

**Қазақстан Республикасы Үкіметінің 2003 жылғы 28 қарашадағы N 1194 қаулысына толықтырулар енгізу туралы**

*Күшін жойған*

Қазақстан Республикасы Үкіметінің 2004 жылғы 23 сәуірдегі N 458 қаулысы. Күші жойылды - Қазақстан Республикасы Үкіметінің 2016 жылғы 18 наурыздағы № 148 қаулысымен

**Ескерту. Күші жойылды - ҚР Үкіметінің 18.03.2016 № 148 (алғашқы ресми жарияланған күнінен бастап қолданысқа енгізіледі) қаулысымен.**

Қазақстан Республикасының Үкіметі қаулы етеді:

1. "Табиғи монополия саласына жататын, ұсынылатын қызметтерге (тауарларға, жұмыстарға) арналған үлгі шарттарды бекіту туралы" Қазақстан Республикасы Үкіметінің 2003 жылғы 28 қарашадағы N 1194 қаулысына (Қазақстан Республикасының ПҮКЖ-ы, 2003 ж., N 45, 493-құжат) мынадай толықтырулар енгізілсін:

осы қаулыға 1, 2, 3, 4, 5-қосымшаларға сәйкес қосымшалармен толықтырылсын.

2. Осы қаулы қол қойылған күнінен бастап күшіне енеді және жариялануға тиіс.

*Қазақстан Республикасының*

*Премьер-Министрі*

Қазақстан Республикасы  
Үкіметінің  
2004 жылғы 23 сәуірдегі  
N 458 қаулысына

1-қосымша

Қазақстан Республикасы  
Үкіметінің  
2003 жылғы 28 қарашадағы  
N 1194 қаулысымен

бекітілген

**Табиғи газды тасымалдау жөніндегі қызметтер көрсетуді ұсынуға арналған үлгі шарт**

\_\_\_\_\_ (шарт жасасу орны)

Бұдан әрі Тараптар деп аталатын, табиғи газды тасымалдау жөнінде қызметтер көрсетуді ұсынатын (бұдан әрі - Қызметтер)

\_\_\_\_\_ (қызметті ұсынатын субъектінің атауы, құрылтайшылық құжаттары, мемлекеттік тіркеу туралы куәлік, берілген күні мен берген орган) \_\_\_\_\_ атынан

(лауазымы, т.а.ж.)

бұдан әрі, Қызмет беруші деп аталатын \_\_\_\_\_ (құжаттың атауы)

негізінде іс-қимыл жасаушы, бір тараптан және \_\_\_\_\_ (тұтынушының атауы)

\_\_\_\_\_ бұдан әрі Тұтынушы деп аталатын, \_\_\_\_\_ атынан

(лауазымы, т.а.ж.)

екінші тараптан, төмендегілер туралы осы Шартты (бұдан әрі - Шарт) жасасты.

## **1. Шартта пайдаланылатын негізгі ұғымдар**

1. Шартта мынадай негізгі ұғымдар пайдаланылады:

газ тасымалдау жүйесі - газ тасымалдайтын, газ бөлетін ұйымның меншігіндегі немесе өзге де заңды негізде олардағы құрылысты магистральдық газ құбырларын, газ құбырлары-ағытқылары, газ бөлетін желілерді қамтитын газ құбырларының жүйесі;

табиғи газ - Тұтынушының меншігі болып табылатын немесе кез келген заңды негізде оның билігіндегі Қазақстан Республикасының аумағында өндірілетін және сатып алынатын, Қазақстан Республикасының аумағынан тыс сатып алынатын газ;

газды есепке алу аспаптары - нормаланған техникалық сипаттамасы бар және көлемінің және (немесе) энергия құрамы бірлігінде газ мөлшерін өлшеуге арналған өлшеу құралы;

беру пункті - табиғи газды Тұтынушыға немесе оның уәкілетті өкіліне беру жүргізілетін табиғи газды тасымалдаудың түпкілікті пункті;

газды қабылдау (беру) пункті - шарттарда Қызмет беруші, газ тасымалдаушы, газ бөлуші ұйымдар мен тұтынушы арасында айқындалған, әдеттегідей газ есептеу аспабымен жарақталған газ жеткізуші пункті;

есеп айырысу кезеңі - жеткізілген газдың көлемі айқындалатын, Қызмет

беруші, газ тасымалдаушы, газ бөлуші ұйымдар мен тұтынушылар арасында жеткізілген газ үшін өзара есеп айырысу жүргізілетін кезең. Тараптармен келісілген есеп айырысу кезеңі шартта көрсетіледі;

реттеуші орган - Қазақстан Республикасының заңнамасына сәйкес табиғи монополия субъектілерінің қызметтеріне арналған тарифтерді (бағаларды, алым ставкаларын) мемлекеттік реттеуді жүзеге асыруға уәкілеттік берілген мемлекеттік орган.

## 2. Шарттың мәні

2. Шарттың талаптарына сәйкес Қазақстан Республикасының аумағы бойынша табиғи газды қабылдау пунктiнен беру пунктiне тасымалдау жөнiндегi қызметтердi көрсету бойынша Қызмет беруші өзiне мiндеттеме қабылдайды, ал Тұтынушы мiндеттеме тапсырады.

3. Табиғи газды тасымалдау көлемi, айлар бойынша бөлiнген тасымалдау кестесi, қабылдау пунктi мен беру пунктi Тараптармен қосымша келiсiледi және Шартқа қоса берiледi.

4. Шарт Тұтынушымен жеке тәртiппен жасалады. Заңнамада көзделген жағдайларда, Тұтынушының өз өкiлеттiгiн Шарт жасасу бойынша үшiншi тұлғаға беруге құқығы бар.

Қызметтер ұсынудың режимi - тәулiк бойы.

5. Табиғи газды тасымалдау жөнiндегi қызметтердi беру бойынша қызметтер ұсынудың техникалық шарттары мен сипаттамалары:

---

(осы тармақта нормативтiк техникалық құжаттардың

---

талаптарына сай болуы тиiс Шарт мәнiнiң техникалық

---

талаптары мен сипаттамалары көзделедi)

6. Газды тиiсiнше жеткiзу үшiн құқықтық, техникалық (технологиялық) және ұйымдастыру жағдайларының болуы, оның iшiнде:

1) Тұтынушы тарапынан - газ жабдығын пайдалану жөнiнде рұқсат беретiн құжаттардың, газ тұтынылатын қондырғылардың, жабдықтардың жарамдылығын растайтын құжаттардың болуы;

2) Қызмет беруші тарапынан - газдың тиiстi көлемi туралы растайтын құжаттың (ресурстық анықтаманың, газды сатып алу шартының нотариалды куәландырылған көшiрмесiнiң) болуы шарт жасасудың талаптары болып табылады.

### **3. Қызметтердің құны мен ақы төлеу тәртібі**

7. Табиғи газды тасымалдау жөніндегі қызметтерге ақы төлеу реттеуші орган бекіткен тарифтер бойынша жүргізіледі.

Қызметтердің құны Шарттың өзге де талаптары сияқты, Қазақстан Республикасының заңнамасында белгіленген жеңілдіктер мен артықшылықтар ескеріле отырып, қызметтер ұсыну жағдайларынан басқа, барлық тұтынушыларға бірдей белгіленеді.

8. Ақы төлеуді Тұтынушы екі жақты актілердің негізінде нақты көрсетілген қызметтер үшін Қызмет берушінің шот-фактурасын алған сәттен бастап 5 банк күні ішінде, егер Тараптардың келісімінде өзгеше көзделмесе, ай сайын жүргізеді.

### **4. Табиғи газды тасымалдау және есепке алу шарттары**

9. Егер Қазақстан Республикасы бекіткен халықаралық келісімдерде өзгеше белгіленбесе, Қызмет беруші Тұтынушының газ тасымалдау жүйесіне беретін табиғи газдың сапасы физикалық-химиялық көрсеткіштері бойынша Қазақстан Республикасында қабылданған стандарттар мен нормативтерге сай болуы тиіс.

10. Табиғи газды тасымалдау Қызмет беруші мен Тұтынушының арасында келісілген тасымалдау кестесіне сәйкес жүзеге асырылады.

11. Тұтынушыға берілетін табиғи газдың көлемін Қызмет беруші Шартта белгіленген тәртіппен әрі талаптармен тіркейді және өлшейді.

12. Қызмет беруші технологиялық жабдықтың авариялық зақымдануы туындаған жағдайда, газ шаруашылығы саласындағы нормативтік құқықтық актілерде және нормативтік-техникалық құжаттарда белгіленген тәртіппен Қызметті резервте сақтауды қамтамасыз етеді.

### **5. Тұтынушының құқықтары мен міндеттері**

13. Тұтынушының:

- 1) жасалған шарттарға сәйкес қызметтер көрсетілуіне;
- 2) Қызмет берушіден қызметтерді толық жеткізбегендіктен немесе сапасыз жеткізгендіктен шеккен залалды өтеуді жасалған шарттардың талаптарына сәйкес талап етуге;
- 3) шарттарды жасасуға және орындауға байланысты даулы мәселелерді шешу үшін сот органдарына жүгінуге;
- 4) Қызмет берушімен жасалған Шартты біржақты тәртіппен бұзуға, бұл туралы Қызмет беруші бір айдан кешіктірмей хабардар етілген және табиғи газды тасымалдау жөнінде көрсетілген қызметтер үшін толық ақы төленген

жағдайда бұзуға, құқығы бар.

14. Тұтынушы:

- 1) табиғи газды тасымалдау жөніндегі қызметтер үшін Шартта белгіленген тәртіппен және жағдайларда ақы төлеуді уақтылы әрі толық көлемде жүргізуге;
- 2) Қызмет берушінің Қазақстан Республикасының заңнамасына сәйкес белгілеген техникалық талаптарын орындауға;
- 3) қабылдау пунктіне жеткізілетін табиғи газдың сапасы мен мөлшері үшін жауап беруге міндетті.

## 6. Қызмет берушінің құқықтары мен міндеттері

15. Қызмет берушінің:

- 1) Тұтынушыдан Шартта белгіленген тәртіппен және жағдайларда ұсынылған қызметтер үшін ақыны уақтылы әрі толық көлемде алуға;
- 2) Қазақстан Республикасының заңнамасына сәйкес Тұтынушының сақтауы үшін міндетті техникалық талаптарды белгілеуге;
- 3) барлық тұтынушылар үшін реттеуші орган бекіткен тәртіппен тарифтердің қолданылуы кезеңінде көрсетілген қызметтер үшін тарифтерді төмендетуге құқығы бар.

16. Қызмет беруші:

- 1) табиғи газды Тұтынушымен келісілген көлемде газ қабылдау пунктіне қабылдауға және табиғи газдың Шартта белгіленген тәртіппен әрі жағдайларда газ беру пунктіне бірқалыпты және үздіксіз тасымалдануын қамтамасыз етуге;
- 2) Тұтынушыны кез келген төтенше жағдайлар немесе табиғи газды тасымалдауға әсер етуі ықтимал авариялар туралы дереу хабардар етуге, сондай-ақ табиғи газды тасымалдауды қалпына келтіру үшін барлық қажетті іс-әрекет қолдануға;
- 3) Тұтынушыны табиғи газды тасымалдау жөніндегі қызметтерге арналған тарифтердің өзгергені туралы олар қолданысқа енгізілгенге дейін он күннен кешіктірмей хабардар етуге;
- 4) Тұтынушыға немесе оның уәкілетті өкіліне табиғи газды тасымалдау мәселелері жөнінде ақпарат ұсынуға міндетті.

## 7. Тараптарды шектеу

17. Тараптарға Тараптардың құқықтарын шектейтін не өзгеше үлгіге Қазақстан Республикасының заңнамасын бұзатын іс-әрекет жасауға тыйым салынады.

## 8. Тараптардың жауапкершілігі

18. Осы Шарт бойынша міндеттемелер орындалмаған немесе тиісінше орындалмағаны үшін Тараптар Қазақстан Республикасының қолданыстағы заңнамасына сәйкес жауапты болады.

19. Осы шартта көзделген міндеттемелердің орындалу мерзімі өткен жағдайда кінәлі тарап екінші тарапқа Қазақстан Республикасы Ұлттық Банкінің ақшалай міндеттемелердің нақты орындалуы күніне қолданылатын әрбір мерзімі өткен күні үшін қайта қаржыландырудың 1,5 есе ставкасынан аспайтын мөлшерде, бірақ негізгі қарыздың сомасынан аспайтын сомада тұрақсыздық айыбын төлейді.

Есеп айырысу кезеңінен кейінгі айдың бірінші күні тұрақсыздық айыбын есептеу мерзімінің басталуы болып табылады.

20. Егер Тұтынушыға табиғи газды тасымалдау жөнінде қызмет көрсету Қызмет беруші үшін мүмкін болмауы Қызмет берушімен шарттық қатынастарда тұратын басқа тұлғалардың кінәсінен туындаса, Тұтынушы алдында Қызмет беруші жауапты болады.

21. Тұрақсыздық айыбын төлеу Тараптарды Шарт бойынша міндеттемелерін орындаудан босатпайды.

## 9. Форс-мажорлық мән-жайлар

22. Тараптар Шарт бойынша міндеттемелердің орындалмағаны немесе тиісінше орындалмағаны үшін, егер бұл еңсерілмес күштің салдарынан болған мән-жайлар болса, жауапкершіліктен босатылады. Мұндай жағдайда Тараптардың бір де біреуі залалды өтетуге құқығы жоқ. Тараптардың кез келгенінің талабы бойынша мұндай жағдайда өзара міндеттемелердің атқарылуын анықтайтын комиссия құрылуы мүмкін. Бұл ретте Тараптардың бір де біреуі шарт бойынша еңсерілмес күш мән-жайлары болғанға дейін туындаған міндеттемелерден босатылмайды.

Еңсерілмес күш мән-жайлары туындаған жағдайларда Тараптар олар туындаған күннен бастап бес жұмыс күнінің ішінде бұл туралы бір біріне Қазақстан Республикасының тиісті уәкілетті ұйымы растаған форс-мажор мән-жайларының басталған күнін нақтылайтын әрі сипаттайтын жазбаша хабарламаны кейіннен бере отырып не почтамен жіберу арқылы хабарлайды.

23. Тараптардың Шарт бойынша міндеттемелері еңсерілмес күш мән-жайларының мерзіміне, бірақ осындай мән-жайлары Тараптардың Шарт бойынша міндеттемелерін орындауға кедергі келтірген дәрежеде ғана тоқтатыла тұруы мүмкін.

Егер еңсерілмес күш мән-жайлары 3 және одан да көп айға созылған жағдайда, Тараптардың әрқайсысы басқа тарапқа болжамды бұзу күніне дейін жиырма күнтізбелік күн бұрын алдын ала хабарлаған жағдайда Шартты бұзуға құқылы. Бұл ретте Тараптар 30 күнтізбелік күн ішінде Шарт бойынша барлық өзара есеп айырысуды жүргізуге міндеттенеді.

## **10. Жалпы ережелер және дауларды шешу**

24. Тараптар көрсеткіштерді алу, телеөлшемдер мен коммерциялық есепке алу жүйелері тізбектерінің техникалық жай-күйін тексеру мақсатында тәулік ішіндегі кез келген уақытта коммерциялық есепке алу аспаптарына қол жеткізуге бір біріне рұқсат беруге міндеттенеді. Есеп айырысу кезеңі аяқталысымен коммерциялық есепке алу аспаптарының көрсеткіштерін алуды Тараптардың уәкілетті өкілдері жүргізеді. Егер Тараптардың бірінің уәкілетті өкілі болмаса не көрсеткіштерді алудан бас тартса, онда басқа тараптың уәкілетті өкіліне көрсеткіштерді дербес алуды жүргізуге рұқсат етіледі.

Тараптардың уәкілетті өкілдері коммерциялық есепке алу аспаптарының көрсеткіштерін алған кезде, коммерциялық есепке алу аспаптарының көрсеткіштерін салыстыру актісіне қол қойылуға тиіс.

25. Тараптар келесі есеп айырысу айынан кейінгі күнтізбелік айдың бесінші күніне дейінгі мерзімде көрсетілген қызметтердің, Тараптардың қолдары қойылып, мөрлерімен расталатын тиісті есеп айырысу кезеңі ішінде көрсетілген көлемдерін салыстыру актісін ресімдейді. Тараптардың бірі актіге қол қоюдан бас тартқан жағдайда, көрсетілген қызметтердің көлемін растайтын құжат нақты теңгерім болып табылады.

26. Өздерінің құқықтық қатынастарында Тараптар Шартты және Қазақстан Республикасының қолданыстағы заңнамасын басшылыққа алады.

27. Шартты бұзу немесе талаптарын өзгерту Қазақстан Республикасының заңнамасында көзделген негіздеме бойынша және тәртіппен жүргізіледі.

28. Шарттың қандай да бір ережесі бойынша немесе тұтастай не қандай да бір мәселеге немесе Шарттың ережелеріне қатысты іс-әрекетке байланысты қандай да бір дау немесе келіспеушілік туындаған жағдайда Тараптардың кез келгені басқа тарапқа даудың мәнін толық баяндай отырып, талап қоюға құқылы.

Тараптар барлық дауларды келіссөздер жолымен реттеу үшін бар күш-жігерін жұмсайды.

29. Келісімге қол жетпеген жағдайда, Шарт бойынша барлық даулар мен келіспеушіліктер жауап берушінің орналасқан жері бойынша соттарда шешіледі.

30. Тараптардың Шарттан туындайтын және олармен реттелмеген қатынастары Қазақстан Республикасының қолданыстағы заңнамасымен реттеледі.

31. Тараптарда сақталатын және бірдей заң күші бар Шарт 2 данада жасалады

Мемлекеттік бюджеттен қаржыландырылатын мемлекеттік мекемелерге арналған Шарт Қазақстан Республикасының Қаржы министрлігі қазынашылығының аумақтық органдарында тіркеледі және ол тіркелген сәттен бастап қолданысқа енгізіледі.

## 11. Шарттың қолданылу мерзімі

32. Шарт 200\_ жылғы "\_\_\_" \_\_\_\_\_ 00-00 сағаттан бастап күшіне енеді және 200\_ жылғы "\_\_\_" \_\_\_\_\_ 24-00 сағатқа дейін қолданылады.

33. Шарттың қолданылу мерзімі, егер Шарттың қолданылу мерзімі аяқталғанға дейін отыз күн бұрын Тараптардың бірі бұл туралы мәлімдесе, қызмет көрсету көлемін нақтылай отырып, белгілі бір мерзімге ұзартылады және Шартқа қосымша келісіммен ресімделеді.

## 12. Тараптардың деректемелері

Қызмет беруші: \_\_\_\_\_ Тұтынушы: \_\_\_\_\_  
Қ а з а қ с т а н Р е с п у б л и к а с ы  
Ү к і м е т і н і ң  
2 0 0 4 ж ы л ғ ы 2 3 с ә у і р д е г і  
N 4 5 8 қ а у л ы с ы н а  
2-қосымша  
Қ а з а қ с т а н Р е с п у б л и к а с ы  
Ү к і м е т і н і ң  
2 0 0 3 ж ы л ғ ы 2 8 қ а р а ш а д а ғ ы  
N 1 1 9 4 қ а у л ы с ы м е н  
бекітілген

**Табиғи газды сақтау жөніндегі қызметтер көрсетуді  
ұсынуға арналған  
ҮЛГІ ШАРТ**

\_\_\_\_\_ 200\_ жылғы "\_\_\_" \_\_\_\_\_  
(шарттың жасалған орны)

Бұдан әрі Қызмет беруші деп аталатын, \_\_\_\_\_  
негізінде әрекет ететін \_\_\_\_\_ атынан  
(қызметті ұсынатын субъектінің деректемелері)



\_\_\_\_\_ бір тараптан және  
( лау а з ы м ы , а т ы - ж ө н і )  
бұдан әрі Тұтынушы деп аталатын, қызметтер көрсетуді пайдаланушы  
\_\_\_\_\_ атынан  
(қызметті пайдаланатын субъектінің деректемелері)  
\_\_\_\_\_ екінші тараптан  
(лауазымы, аты-жөні)

төмендегілер туралы осы Шартты жасасты.

## **1. Шартта пайдаланылатын негізгі ұғымдар**

1. Шартта мынадай негізгі ұғымдар пайдаланылады:  
табиғи газ - Қазақстан Республикасының аумағында өндірілетін және сатып алынатын, сондай-ақ Қазақстан Республикасының аумағынан тыс жерде сатып алынатын табиғи, мұнайлы (ілеспе) және құрғақ газ;  
жер асты газ сақтау орны - табиғи газды маусымдық әрқелкі тұтыну кезеңінде жеткізуді қамтамасыз ету үшін газдың технологиялық қорына қолда көрсетілетін магистральдық газ құбырының бөлігі болып табылатын жер үсті жабдықтары кешеніндегі жер асты құрылыстары;  
табиғи газды қабылдау пункті - әдетте Тұтынушы табиғи газды жеткізетін, жер астында газды сақтау орнындағы табиғи газды есепке алу приборымен жарақтандырылған, одан кейін табиғи газды сақтау үшін тікелей жер асты газ сақтау орнына (бұдан әрі - ЖГС) айдап құятын газ жеткізу пункті;  
уәкілетті орган - табиғи монополия саласындағы қызметті бақылау мен реттеуді жүзеге асыратын мемлекеттік орган.

## **2. Шарттың мәні**

2. Қызмет беруші Шарттың талаптары бойынша мемлекеттік стандарттармен, нормативтік кесімдермен және өзге де техникалық талаптармен белгіленген сақтау нормаларын (режимдерін) сақтай отырып, оған берілген табиғи газды сақтауға міндеттенеді, ал Тұтынушы ұсынылған қызметтер көрсетуге ақы төлеуге міндеттенеді.

3. \_\_\_\_\_ текше метр көлемдегі табиғи газды ЖГС-де сақтау 200 \_\_ жылғы \_\_\_\_ бастап 200\_\_ жылғы \_\_\_\_\_ (қоса алғанда) кезеңде оны айдап құю және 200\_\_ - 200\_\_ жылдар кезеңінде іріктеп алу арқылы жүзеге асырылады.

4. Шарт Тұтынушымен жеке тәртіппен жасалады. Заңнамада көзделген жағдайларда, Тұтынушының Шарт жасасу жөніндегі өз өкілеттігін үшінші тұлғаға табыстауға құқығы бар.

5. Қызметтер көрсетуді ұсынудың режимі - тәулік бойы.

### 3. Қызметтер көрсетудің құны және ақы төлеу тәртібі

6. Табиғи газды жер асты газ сақтау орнында сақтау жөніндегі қызметтер көрсетуге ақы төлеу уәкілетті орган бекіткен тарифтер бойынша жүргізіледі.

7. Тұтынушы ақы төлеуді екі жақты актінің негізінде нақты ұсынылған қызметтер көрсету үшін Қызмет берушінің шот-фактурасын алған сәттен бастап үш күн ішінде, егер Тараптардың келісімінде өзгеше көзделмесе, ай сайын жүргізеді.

8. Тоқсан ішіндегі қорытындылар бойынша қаржылық есептерді салыстырудың бухгалтерлік актілерін, актілерге қол қоятын, мөрмен растайтын және есепіден кейінгі айдың 15-күніне дейін Тұтынушыға жіберетін Қызмет беруші ресімдейді. Актілерге Тұтынушы қол қояды, мөрмен растайды және қайтадан Қызмет берушіге жібереді.

### 4. Табиғи газды сақтау және есепке алу шарттары

9. Шарт бойынша сақтауға берілетін табиғи газ Қазақстан Республикасының нормативтік кесімдерінде белгіленген талаптарға сай болуы тиіс.

10. Табиғи газ ай бойы бірдей бөліктермен жеткізіледі.

11. Табиғи газдың ағыны табиғи газды сақтауға жеткізу және қабылдау актілерін, табиғи газды іріктеп алу актісін және табиғи газды сақтаудың орташа айлық көлемі туралы актісін жасау жолымен ЖГС-ның өлшеу тораптарында ай сайын есепке алынатын болады, ол мынадай формула бойынша есептеледі:

$V_{\text{орт.ай. сақ.}} = V_{\text{айдың басында}} + 1/2V_{\text{айдап құю}} - 1/2V_{\text{іріктеп алу}}$ .

12. Актілер екі данада жасалады және есеп жасалған айдан кейінгі айдың бесінші күніне дейін Тараптардың уәкілетті өкілдері оған қол қояды.

13. Тараптардың сақтауға қабылданған табиғи газдың мөлшерін айқындауға байланысты наразылықтары екі жақты актілерге қол қойылғаннан кейін он күн ішінде жасалады.

### 5. Тараптардың құқықтары мен міндеттері

14. Тұтынушының:

1) ИМ-74 кеден декларациясында көрсетілген көлемде ЖГС-да сақтаулы табиғи газға билік етуге;

2) белгіленген сапада қызметтер көрсетуді алуға және Қызмет берушіден мемлекеттік стандарттар мен өзге де нормативтік құжаттарда белгіленген талаптарға сай келмейтін қызметтер көрсетуді ұсынған жағдайда, қызметтер көрсетудің құнын қайта есептеуді талап етуге;

3) Қызмет беруші бұл туралы отыз күннен кешіктірмей хабардар етілген және табиғи газды ЖГС-да сақтау жөніндегі қызметтер көрсету үшін толық ақы төленген жағдайда, Қызмет берушімен жасалған Шартты бір жақты тәртіппен

қ ұ қ ы ғ ы

б а р .

1 5 .

Т ұ т ы н у ш ы :

1) "\_\_\_" табиғи газды ЖГС-ға сақтау жөніндегі қызметтер көрсету үшін Шартта белгіленген тәртіппен және жағдайда ақы төлеуді уақтылы әрі толық

к ө л е м д е

ж ү р г і з у г е ;

2) Қызмет беруші Қазақстан Республикасының заңнамасына сәйкес белгілейтін техникалық талаптарды орындауға;

3) Қызмет берушіге газды ЖГС-ға айдап құю басталғанға дейін жеткізілетін газдың бүкіл көлемі үшін газдың шыққан жері сертификатының көшірмесі мен оның сапасы паспортының түпнұсқасын беруге;

4) ИМ-74 (сақтау орнына айдап құю) және ИМ-40 (сақтау орнынан іріктеп алу) режиміндегі газды кедендік ресімдеу үшін толық жауапты болуға және Қызмет берушіге тиісті режимнің жүк кеден декларациясының төртінші данасының түпнұсқасын беруге міндетті.

1 6 .

Қ ы з м е т б е р у ш і н і ң :

1) Тұтынушыдан Шартта белгіленген тәртіппен және жағдайда ұсынылған қызметтер көрсету үшін уақтылы әрі толық көлемде ақы алуға;

2) Тұтынушының сақтауы міндетті Қазақстан Республикасының заңнамасына сәйкес техникалық талаптар белгілеуге;

3) барлық тұтынушылар үшін уәкілетті орган бекіткен тәртіппен тарифтердің қолданысы кезеңінде ұсынылатын қызметтер көрсету үшін тарифтерді төмендетуге

қ ұ қ ы ғ ы

б а р .

1 7 .

Қ ы з м е т б е р у ш і :

1) осы Шартта белгіленген кезеңде ЖГС-дағы табиғи газдың Шартта белгіленген тәртіппен және жағдайда сақталуын қамтамасыз етуге;

2) Тұтынушыны табиғи газды айдап құюға және (немесе) сақтауға және (немесе) іріктеп алуға әсер етуі мүмкін кез келген төтенше жағдайлар немесе авариялар туралы дереу хабардар етуге, сондай-ақ табиғи газды айдап құюды және (немесе) сақтауды және (немесе) іріктеп алуды қалпына келтіру үшін барлық қажетті іс-қимылды жасауға;

3) Тұтынушыны табиғи газды сақтау жөніндегі қызметтер көрсету тарифтерінің өзгергені туралы олар қолданысқа енгізілгенге дейін 10 (он) күннен кешіктірмей хабардар етуге;

4) Тұтынушыға немесе оның уәкілетті өкіліне табиғи газды сақтау мәселелері бойынша ақпарат ұсынуға міндетті.

## **6. Тараптарды шектеу**

18. Тараптарға Тараптардың құқықтарын шектейтін не өзгеше түрде Қазақстан Республикасының заңнамасын бұзатын іс-қимыл жасауға тыйым салынады.

## **7. Тараптардың жауапкершілігі**

19. Шартта көзделген міндеттемелер орындалмаған немесе тиісінше орындалмаған жағдайда, кінәлі тарап басқа тарапқа Қазақстан Республикасының заңнамасына сәйкес келтірілген залалды өтейді.

20. Қызметтер көрсетуді ұсынғаны үшін ақы төлеудің мерзімі өткен жағдайда, Тұтынушы Шартқа сәйкес (24-тармақта көзделген жағдайларды қоспағанда) және өзіне сақтауға берілген табиғи газды Қызмет беруші уақтылы қайтармаған жағдайда кінәлі тараптар осы сомаларды төлейтін күні қолданыстағы Қазақстан Республикасы Ұлттық Банкінің 1,5 есе қайта қаржыландыру ставкасынан аспайтын мөлшерде, бірақ негізгі борыш сомасынан аспайтын төлемнің мерзімі өткен әрбір күн үшін тұрақсыздық айыбын төлейді.

21. Егер Тұтынушыға ЖГС-да табиғи газды сақтау жөнінде қызметтер көрсетудің Қызмет беруші үшін мүмкін болмауы Қызмет берушімен шарттық қатынаста тұратын басқа тұлғалардың кінәсінен туындаса, Тұтынушы алдында Қызмет беруші жауапты болады.

22. Тұрақсыздық айыбын төлеу Тараптарды Шарт бойынша міндеттемелерін орындаудан босатпайды.

23. Егер Шарттың қолданылу мерзімі аяқталғаннан кейін ЖГС-да сақтаулы табиғи газды Тұтынушы қайта алмаса, онда ол Қызмет берушіге табиғи газды одан әрі сақтау үшін Шартта белгіленген тәртіппен және талаптармен мөлшерлес сыйақы төлеуге міндетті.

## **8. Форс-мажор мән-жайлары**

24. Тараптардың бір де біреуі форс-мажор мән-жайлары басталған жағдайда, яғни Шарттың талаптарын орындамауына немесе тиісінше орындамауына әкеп соқтырған еңсерілмес күш жағдайлары (табиғи апат немесе болжау немесе алдын алу мүмкін емес өзге де жағдайлар), сондай-ақ әскери қимылдар, ереуілдер және басқа да жағдайлар басталған жағдайда басқа тараптың алдында жауапты болмайды.

Еңсерілмес күш мән-жайлары туындаған жағдайда Тараптар олар басталған күннен бастап бес жұмыс күнінің ішінде бір-біріне бұл туралы Қазақстан Республикасының тиісті уәкілетті ұйымы растаған форс-мажор мән-жайлары

басталған күнін нақтылайтын және сипаттайтын жазбаша хабарламаны кейіннен беру не почтамен жіберу арқылы хабарлайды.

Тараптардың Шарт бойынша міндеттемелері еңсерілмес күш мән-жайларының қолданылу мерзіміне, бірақ осындай жағдайлар Тараптардың Шарт бойынша міндеттемелерін орындауға кедергі келтіретін дәрежеде ғана тоқтатыла тұруы мүмкін.

Егер еңсерілмес күш мән-жайлары үш және одан да көп айға созылған жағдайда, Тараптардың әрқайсысы басқа Тарапқа болжамды бұзу күніне дейін кемінде жиырма күнтізбелік күннен кешіктірмей алдын ала хабарлаған жағдайда Шартты бұзуға құқылы. Бұл ретте Тараптар 30 күнтізбелік күн ішінде Шарт бойынша барлық өзара есеп айырысуды жүргізуге міндеттенеді.

## 9. Жалпы ережелер және дауларды шешу

25. Тараптар өздерінің құқықтық қатынастарында Шартты және Қазақстан Республикасының қолданыстағы заңнамасын басшылыққа алады.

26. Шарт \_\_\_\_\_ мерзімге жасалды және \_\_\_\_\_ сәттен бастап күшіне енеді.

27. Шартты бұзу немесе оның талаптарын өзгерту Қазақстан Республикасының заңнамасында көзделген негіздеме бойынша және тәртіппен жүргізіледі.

28. Тараптардың арасында келісімге қол жетпеген жағдайда, даулар мен келіспеушіліктер сот тәртібімен шешіледі.

29. Шарт бірдей заң күші бар 2 данада, Тараптардың әрқайсысына бір данадан жасалады.

30. Тараптардың келісімі бойынша Шарт үлгі Шарттың нормаларына және Қазақстан Республикасының заңнамасына қайшы келмейтін басқа да талаптармен толықтырылуы мүмкін.

31. Осы Шартта ескерілмеген Тараптардың арасындағы қатынастар Қазақстан Республикасының қолданыстағы заңнамасына сәйкес реттеледі.

## 10. Тараптардың деректемелері

Қызмет беруші: \_\_\_\_\_ Тұтынушы: \_\_\_\_\_

Қазақстан Республикасы

Үкіметінің

2004 жылғы 23 сәуірдегі

№ 458 қаулысына

3-қосымша

Қазақстан Республикасы  
Үкіметінің  
2003 жылғы 28 қарашадағы  
№ 1194 қаулысымен  
бекітілген

**Топтық резервуарлық қондырғылар арқылы газ жеткізу қызметтерін  
көрсетуге арналған  
үлгі шарт**

\_\_\_\_\_ 200\_ жылғы " \_\_\_\_ " \_\_\_\_\_  
(шарттың жасалған орны)

Бұдан әрі, Қызмет беруші деп аталатын, \_\_\_\_\_  
топтық резервуарлық қондырғылар арқылы қызметтер көрсететін,

\_\_\_\_\_ (қызметтер көрсетуді ұсынатын субъектінің атауы, құрылтай құжаттары,

\_\_\_\_\_ мемлекеттік тіркеу туралы куәлік, берілген күні мен берген орган)  
\_\_\_\_\_ атынан

(лауазымы, аты-жөні)

негізінде іс-қимыл жасаушы, бір тараптан және бұдан әрі Тұтынушы

\_\_\_\_\_ (Тұтынушының деректемелері, құрылтай құжаттары, мемлекеттік

\_\_\_\_\_ тіркеу туралы куәлік, берілген күні мен берген орган)  
деп аталатын, \_\_\_\_\_ атынан,

(лауазымы, аты-жөні)

\_\_\_\_\_ негізінде әрекет ететін  
мына төмендегілер туралы осы Шартты (бұдан әрі - Шарт) жасасты.

**1. Шартта пайдаланылатын негізгі ұғымдар**

1. Шартта мынадай негізгі ұғымдар пайдаланылады:  
топтық резервуарлық қондырғы (бұдан әрі - ТРҚ) - газ шаруашылығының  
объектісі болып табылатын, сұйытылған көмірсутекті газдарын (бұдан әрі -  
СКСГ) сақтауды қамтамасыз етуге арналған сыйымдылықтар тобынан тұратын,  
тұрғын үй массивтеріне берілген режимде, газ құбырларының жүйесіне газ  
беруді қамтамасыз ететін, СКСГ-ні сыйымдылықтардан үй ішілік газ құбырына  
дейін тасымалдауды қамтамасыз ететін сақтандырғыш-бекіткіш және реттеуші  
арматурасы бар құрылыс;

кіріс краны - газ құбырындағы бекіткіш арматура, Қызмет берушінің жауапкершілігінің шегі;

тұтынушы - тұрғын үй массивіне (тұрмыстық тұтынушыларға) газ беру үшін ТРҚ арқылы газ жеткізу қызметін пайдаланатын заңды немесе жеке тұлға;

реттеуші орган - Қазақстан Республикасының заңнамасына сәйкес табиғи монополия субъектілерінің қызметтеріне арналған тарифтерді (бағаларды, алым ставкаларын) мемлекеттік реттеуді жүзеге асыруға уәкілеттік берілген мемлекеттік орган;

сұйытылған көмірсутекті газдар - газ-мұнай өңдеу зауыттарында шығарылатын, мемлекеттік стандарттарға сай келетін, қалыпты жағдайларда газ күйінде болатын, ал шамалы артық қысым кезінде - сұйық күйде болатын көмірсутектерінің қоспасы.

## **2. Шарттың мәні**

2. Қызмет беруші ТРҚ арқылы Тұтынушы жеткізген СКСТ-ны кіріс кранына дейін беруге, ал Тұтынушы қабылданған қызметтерге ақы төлеуге міндеттенеді.

3. Шарт Тұтынушымен жеке тәртіппен жасалады. Заңнамада көзделген жағдайларда, Тұтынушы Шарт жасасу жөніндегі өз өкілеттігін үшінші тұлғаға беруге құқығы бар.

## **3. Қызметтердің құны және ақы төлеу тәртібі**

4. Топтық резервуарлық қондырғылар арқылы газ жеткізу қызметтеріне ақы төлеу реттеуші орган бекіткен тарифтер бойынша жүргізіледі.

Қазақстан Республикасының заңнамасында белгіленген жеңілдіктер мен артықшылықтарды ескере отырып қызметтер көрсету жағдайларын қоспағанда, қызметтердің құны Шарттың өзге де талаптары сияқты барлық тұтынушылар үшін бірдей белгіленеді.

5. Егер Тараптардың келісімінде өзгедей көзделмесе, ақы төлеуді Тұтынушы екі жақты актілердің негізінде нақты көрсетілген қызметтер үшін Қызмет берушінің шот-фактурасын алған сәттен бастап бес банктік күн ішінде, ай сайын жүргізеді.

## **4. Тұтынушының құқықтары мен міндеттері**

6. Тұтынушының:

1) белгіленген сапада қызметтер алуға және Қызмет берушіден мемлекеттік стандарттар мен өзге де нормативтік құжаттарда белгіленген талаптарға сай келмейтін қызметтер көрсету ұсынылған жағдайда қызметтердің құнын қайта

есептеуді талап етуге;

2) Қызмет берушіден қызметтерді толық жеткізбегендіктен немесе сапасыз қызмет көрсету жеткізгендіктен шеккен залалды өтеуді жасалған шарттардың талаптарына сәйкес талап етуге;

3) шарттарды жасасуға және орындауға байланысты даулы мәселелерді шешу үшін сот органдарына жүгінуге;

4) бұл туралы Қызмет беруші бір айдан кешіктірмей хабардар етілген және қызметтер үшін толық ақы төленген жағдайда Қызмет берушімен жасалған Шартты бір жақты тәртіппен бұзуға құқығы бар.

7. Т ұ т ы н у ш ы :

1) Шартта белгіленген тәртіппен және жағдайда қызметтер үшін ақы төлеуді уақтылы әрі толық көлемде жүргізуге;

2) СКСГ-ны ТРҚ-ға құйған кезде қауіпсіздік ережесін Газ шаруашылығындағы қауіпсіздік ережелеріне және басқа да нормативтік құқықтық және жабдықты қауіпсіз пайдалану жөніндегі нормативтік-техникалық құжаттарға және Қазақстан Республикасы заңнамасының өзге де талаптарына сәйкес сақтауға;

3) Қызмет беруші Қазақстан Республикасының заңнамасына сәйкес белгілеген техникалық талаптарды орындауға;

4) Қызмет берушінің ТРҚ-сына СКСГ-ны жеткізуге және құюға;

5) қажетіне қарай СКСГ-ның буланбаған қалдықтарын ТРҚ-дан СКСГ-ның шығарылған массасының орнын толтыра отырып, айдап шығаруды жүргізуге;

6) жеткізілетін СКСГ сапасы мен саны үшін жауап беруге міндетті.

## **5. Қызмет берушінің құқықтары мен міндеттері**

8. Қ ы з м е т б е р у ш і н і ң :

1) ұсынылған қызметтер үшін Тұтынушыдан ақыны Шартта белгіленген тәртіппен және жағдайларда уақтылы әрі толық көлемде алуға;

2) Қазақстан Республикасының заңнамасына сәйкес Тұтынушының сақтауы үшін міндетті техникалық талаптар белгілеуге;

3) барлық тұтынушылар үшін реттеуші орган бекіткен тәртіппен тарифтердің қолданысы кезеңінде ұсынылған қызметтер үшін тарифтерді төмендетуге құқығы бар.

9. Қ ы з м е т б е р у ш і :

1) барлық қызметтер Тұтынушылары үшін бірдей жағдайда қызметтер көрсетуді ұсынуға;

2) қызмет көрсетуге арналған шарттарды жасасу кезінде тарифтер белгілеу бөлігінде реттеуші органның шешімдерін басшылыққа алуға;



3) қызмет беруде шартта белгіленбеген үзілістерге жол бермеуге;  
4) Тұтынушыға ТРҚ-дағы СКСГ-ны Тұтынушымен келісілген көлемдерде беруге ;

5) Тұтынушыны қызметтің сапасы мен Тұтынушының қауіпсіздігіне әсер ететін кез келген төтенше жағдайлар немесе авариялар туралы дереу хабардар етуге, сондай-ақ қызмет сапасын қалпына келтіру үшін барлық қажетті іс - қ и м ы л д ы ж а с а у ғ а ;

6) Тұтынушыны қызметтер тарифтерінің өзгергені туралы олар қолданысқа енгізілгенге дейін кемінде 10 (он) күн бұрын хабардар етуге;

7) Тұтынушыға немесе оның уәкілетті өкіліне Газ шаруашылығындағы қауіпсіздік ережелерінің және жабдықтарды қауіпсіз пайдалану жөніндегі нормативтік-техникалық құжаттардың мәселелері бойынша ақпарат ұсынуға міндетті.

## **6. Тараптарды шектеу**

10. Тараптарға Тараптардың құқықтарын шектейтін не өзгеше түрде Қазақстан Республикасының заңнамасын бұзатын іс-қимыл жасауға тыйым салынады.

## **7. Тараптардың жауапкершілігі**

11. Шартта көзделген міндеттемелер орындалмаған немесе тиісінше орындалмаған жағдайда, кінәлі тарап басқа тарапқа келтірілген залалды Қазақстан Республикасының заңнамасына сәйкес өтейді.

12. Осы шартта көзделген міндеттемелерді орындау мерзімі өткен жағдайда кінәлі тарап екінші тарапқа Қазақстан Республикасы Ұлттық Банкінің ақшалай міндеттемелердің нақты орындалуы күніне қолданылатын әрбір мерзімі өткен күні үшін қайта қаржыландырудың 1,5 есе ставкасынан аспайтын мөлшерде, бірақ негізгі борыштың сомасынан аспайтын сомада тұрақсыздық айыбын төлейді .

13. Егер Тараптар келісімімен өзгеше ескертілмесе, тұрақсыздық айыбын есептеу мерзімінің басталуы есеп айырысу кезеңінен кейінгі айдың бірінші күні болып табылады .

14. Төлем бойынша оның мерзімі келген сәттен бастап алпыс күнтізбелік күн ішінде шотты төлемеген жағдайда, Қызмет беруші осы Шарттың шарттарымен белгіленген тәртіппен қызмет беруді шектеуге не тоқтатуға құқылы.

15. Егер Тұтынушыға қызмет көрсетудің Қызмет беруші үшін мүмкінсіздігі Қызмет берушімен шарттық қатынаста тұратын басқа тұлғалардың кінәсінен болса, Тұтынушы алдында Қызмет беруші жауап береді.

Тұрақсыздық айыбын (өсім ақыны) төлеу Тараптарды Шарт бойынша міндеттемелерін орындаудан босатпайды.

16. Тұтынушы осы Шартта көзделген мерзімде өзіне берілген қызметтер көрсету көлемдерін салыстыру актісін ұсынбаған кезде, өткен есеп айырысу кезеңі үшін Қызмет берушіні қызмет көрсету ақысының мөлшері берілген қызметтер көрсету көлемінің салыстыру актісін ұсыну кезінде кейінгі есеп айырысу кезеңіндегі Қызмет берушінің қызмет көрсету ақысының мөлшеріне кейіннен түзету енгізе отырып, Қызмет көрсетушінің берілген қызмет көрсету көлемі туралы қолда бар жедел деректеріне сәйкес анықталады.

17. Алдыңғы кезеңдер үшін берешегі болған кезде, төлем бірінші кезекте осы берешекті өтеуге жіберіледі. Тұтынушы төлейтін ақы сомасы нақты есеп айырысу кезеңіне арналған сомадан асқан жағдайда, осы асқан соманың айырмасы келесі есеп айырысу кезеңінің аванстық төлеміне (не Тараптардың келісімі бойынша Қызмет берушінің алдындағы өзге де міндеттемелер бойынша, егер мұндай бар болса, Тұтынушының берешегін өтеу шотына) өздігінен есептеледі. Егер Тұтынушы келесі есеп айырысу кезеңіне Қызмет берушінің қызметінен бас тартса, асыра төленген сома, Тұтынушының өзге міндеттемелері бойынша берешегін өтеуге кеткен, оның ішінде Қызмет беруші алдындағы ақшалай соманы (егер мұндай бар болса) қоспағанда, қайтарылады.

18. Егер Тұтынушы қойылған шоттың дұрыстығына дауласатын болса, ол Қызмет берушіні осы шотты алған күннен бастап бес күнтізбелік күн ішінде хабардар етеді және Қызмет берушіге қарсылықтарын баяндай отырып, жазбаша өтініш береді. Бұл ретте, Тұтынушы жоғарыда көрсетілген мерзімде шоттың дау туғызбаған бөлігіне ақы төлеуге міндетті.

19. Егер бақылау-өлшеу аспаптарының ақаулығы нәтижесінде шоттарға түзету енгізу қажет болған жағдайда және басқа жағдайларда, Тараптар кейінгі есеп айырысу кезеңдеріндегі шоттарға түзету енгізеді.

20. Қызмет берушінің топтық резервуарлық қондырғылар арқылы газ жеткізу қызметіне ақы төлеу жөнінде Қызмет беруші шот-фактурада көрсеткен деректемелер бойынша Қызмет берушінің ағымдағы шотына немесе Қызмет беруші Тұтынушыға жолдаған хабарламада көрсеткен деректемелер бойынша үшінші тараптың ағымдағы шотына ақша есептеу Тұтынушының міндеттемелері б о л ы п т а н ы л а д ы .

21. Есеп айырысу кезеңі ішінде Қызмет берушінің кінәсі бойынша қызмет берудің нақты айлық көлемі Тараптармен келісілгеннен азайған кезде, соңғысы кез келген кездерден кем жеткізілген көлемнің орнын толтырады, олай болмаған жағдайда, Тұтынушы кем жеткізілген қызмет көлемін ескере отырып, көрсетілген қызмет құнының мөлшерінде айыппұл салуға құқылы.

22. Шартта көзделмеген үзілістер, қызмет беруді тоқтату немесе шектеу үшін

Қызмет берушінің Тұтынушы алдындағы жауапкершілігі осы Шартқа және Қазақстан Республикасының заңнамасына сәйкес айқындалады.

23. Егер Шарттың қолданылу мерзімі аяқталған бойда газды жер астында сақтау орнынан табиғи газды Тұтынушы қайтадан алмаса, онда ол Қызмет берушіге табиғи газды одан әрі сақтағаны үшін Шартта белгіленген тәртіппен және талаптармен мөлшерлес сыйақы төлеуге міндетті.

## **8. Форс-мажорлық мән-жайлар**

24. Тараптар Шарт бойынша міндеттемелерін орындамағаны немесе тиісінше орындамағаны үшін, егер бұл еңсерілмес күш мән-жайлары салдарынан болса, жауапкершіліктен босатылады. Мұндай жағдайда Тараптардың бір де біреуінің залалды өтеуге құқығы болмайды. Тараптардың кез келгенінің талабы бойынша мұндай жағдайда өзара міндеттемелердің орындалуын анықтайтын комиссия құрылуы мүмкін. Бұл ретте Тараптардың бір де біреуі Шарт бойынша еңсерілмес күш мән-жайлары болғанға дейін туындаған міндеттемелерден босатылмайды.

Еңсерілмес күш мән-жайлары туындаған жағдайда Тараптар олар туындаған күннен бастап бес жұмыс күнінің ішінде бір бірін Қазақстан Республикасының тиісті уәкілетті ұйымы растаған форс-мажорлық мән-жайларының басталған күнін нақтылайтын сипаттайтын жазбаша хабарламаны кейіннен бере отырып немесе почтамен жіберу арқылы хабардар етеді.

25. Егер Тараптардың біреуі Шарт бойынша өзінің міндеттемелерін еңсерілмес күш мән-жайлары туындаған сәттен бастап алпыс күнтізбелік күннің ішінде орындауға шамасы келмейтін болса, тараптың Шартты бұзуға құқығы бар

## **9. Басқа ережелер және дауларды шешу**

26. Топтық резервуарлық қондырғылар арқылы газ жеткізу қызметтерін көрсетуді ұсынуға арналған Шарт Тұтынушымен жеке тәртіппен жасалады.

27. Шарттың қандай да бір ережесі бойынша немесе тұтастай немесе қандай да бір мәселеге немесе Шарттың ережелеріне қатысты іс-қимылға байланысты қандай да бір дау немесе келіспеушілік туындаған жағдайда Тараптардың кез келгені басқа Тарапқа даудың мәнін толық баяндай отырып, талап қоюға құқылы

Тараптар барлық дауларды келіссөздер жолымен реттеу үшін бар күш-жігерін ж ұ м с а й д ы .

28. Келісімге қол жетпеген жағдайда, Шарт бойынша барлық даулар мен келіспеушіліктер жауап берушінің орналасқан жері бойынша соттарда шешіледі.

Тараптардың Қазақстан Республикасының заңнамасында белгіленген өзге

жағдайларда Шартты бұзуға құқығы бар.

29. Тараптардың Шарттан туындайтын және олармен реттелмеген қатынастары Қазақстан Республикасының қолданыстағы заңнамасымен реттеледі

30. Тараптарда сақталатын және бірдей заң күші бар Шарт 2 данада жасалады

Мемлекеттік бюджеттен қаржыландырылатын мемлекеттік мекемелерге арналған Шарт Қазақстан Республикасының Қаржы министрлігі қазынашылығының аумақтық органдарында тіркеледі және шарт тіркелген сәттен бастап қолданысқа енгізіледі.

## 10. Шарттың қолданылу мерзімі

31. Шарт 200\_ жылғы "\_\_\_" \_\_\_\_\_ 00-00 сағаттан бастап күшіне енеді және 200\_ жылғы "\_\_\_" \_\_\_\_\_ 24-00 сағатқа дейін қолданылады.

32. Шарттың қолданылу мерзімі, егер Шарттың қолданылу мерзімі аяқталғанға дейін отыз күн бұрын Тараптардың бірі бұл туралы мәлімдесе, қызмет беру көлемін нақтылай отырып, белгілі бір мерзімге ұзартылады және Шартқа қосымша келісіммен ресімделеді.

## 11. Тараптардың деректемелері

Орындаушы: \_\_\_\_\_ Тапсырысшы: \_\_\_\_\_  
Қ а з а қ с т а н Р е с п у б л и к а с ы  
Ү к і м е т і н і ң  
2 0 0 4 жылғы 2 3 с ә у і р д е г і  
N 4 5 8 қ а у л ы с ы н а  
4-қосымша

Қ а з а қ с т а н Р е с п у б л и к а с ы  
Ү к і м е т і н і ң  
2 0 0 3 жылғы 2 8 қ а р а ш а д а ғ ы  
N 1 1 9 4 қ а у л ы с ы м е н  
бекітілген

**Сумен жабдықтау және/немесе сарқынды суды жинау жөнінде  
қызметтер көрсетуді ұсынуға арналған  
ҮЛГІ ШАРТ**

\_\_\_\_\_ 200\_ жылғы "\_\_\_" \_\_\_\_\_  
(шарттың жасалған орны)

Бұдан әрі Қызмет беруші деп аталатын, \_\_\_\_\_  
негізінде әрекет ететін \_\_\_\_\_ атынан  
(лауазымы, аты-жөні)

\_\_\_\_\_ бір тараптан және  
(қызметтерді көрсетуді ұсынатын субъект)  
бұдан әрі Тұтынушы деп аталатын, қызметтер көрсетуді пайдаланушы  
\_\_\_\_\_ екінші тараптан,  
(тұтынушының деректемелері)  
мына төмендегілер туралы осы Шартты жасасты.

## **1. Шартта пайдаланылатын негізгі ұғымдар**

1. Шартта мынадай негізгі ұғымдар пайдаланылады:

ауыз су - санитарлық ережелер мен нормалардың қолданыстағы стандарттарына сәйкес және халықтың шаруашылық-ауыз су мұқтаждарына, сондай-ақ техникалық сападағы суды пайдалану мүмкін емес өндірістік кәсіпорындардың технологиялық процестеріне және өрт сөндіруге арналған су;

су құбыры - су жинағыны, су құбырлы сорғы станцияларын, су дайындау (суды тазалау, зарарсыздандыру) станцияларын, су құбыры желісін және тұтынушыларды сумен қамтамасыз етуге арналған резервуарларды қамтитын қ ұ р ы л ы с к е ш е н і ;

теңгерімдік тиесілілігін бөлу шекарасы - меншіктік, шаруашылық жүргізу немесе жедел басқару белгісі бойынша иеленушілер арасындағы сумен жабдықтау және (немесе) кәріз және олардағы құрылыстар жүйелерінің элементтерін б ө л у с ы з ы ғ ы ;

пайдалану жауапкершілігін бөлу шекарасы - Тараптардың келісімімен белгіленетін сумен жабдықтау және (немесе) кәріз жүйелерінің элементтерін пайдаланғаны үшін міндеттер (жауапкершілік) белгісі бойынша сумен жабдықтау және (немесе) кәріз (су құбырлары және кәріз желілері және олардағы құрылыстар) жүйелерінің элементтерін бөлу сызығы. Осындай келісім болмаған кезде пайдалану жауапкершілігінің шекарасы теңгерімдік тиесілілігінің шекарасы б о й ы н ш а б е л г і л е н е д і ;

қайтарусыз жоғалған су - кәрізге айдалмайтын, көшелерді, жасыл желектерді, бау-бақшаларды және табиғи су тоғандарын толтыруға жұмсалатын су;

кәріз - сарқынды суды қабылдау, жинау және елді-мекендердің, өнеркәсіптік кәсіпорындардың және басқа да объектілердің аумақтарынан бұруды, сондай-ақ оларды кәдеге жарату немесе су тоғанына жіберу алдында тазартуды және зарарсыздандыруды қамтамасыз ететін инженерлік құрылыстар (труба құбыр, сорғы станциялары, тазалау құрылыстары және санитарлық құралдар жабдығы,

діңгектер және басқалар) кешені;

кондоминиум - үй-жай азаматтардың, заңды тұлғалардың, мемлекеттің бөлек (жеке) меншігінде, ал жалпы мүлік жалпы үлес меншігі құқығында болатын жылжымайтын мүлікке бірыңғай мүлік кешені сияқты меншіктің ерекше нысаны (бұдан әрі - кондоминиум объектісі);

төлем құжаты - оның негізінде төлем жүргізілетін Қызмет берушінің (есептеу құралдары көрсеткіштерінің негізінде жасалған шот, хабарлама, квитанция, ескерту шоты) құжаты;

Тұтынушы - шарттың негізінде өзінің мұқтаждары үшін суды пайдаланатын жеке немесе заңды тұлға;

есептеу құралдарын тексеру - есептеу құралдарының жай-күйін зерттеу, техникалық талаптарға сәйкес келетіндігін айқындау және растау және олардың көрсеткіштерін жазып алу мақсатында Қызмет берушінің өкілі орындайтын операциялар жиынтығы;

есептеу құралы - заңнамада белгіленген тәртіппен қолдануға рұқсат берілген суды коммерциялық есептеуге арналған техникалық құрылғы;

есепті кезең - Тұтынушымен қызметтер көрсеткені үшін есеп айырысатын айдың бірінші күнінің 00-00 сағатынан бастап соңғы күнінің 24-00 сағатына дейінгі бір күнтізбелік айға тең уақыт кезеңі ретінде Шартта белгіленген кезең;

реттеуші орган - Қазақстан Республикасының заңнамасына сәйкес табиғи монополия субъектілерінің қызметтер көрсетуіне тарифтерді (бағаларды, алым ставкаларын) мемлекеттік реттеуді жүзеге асыруға уәкілетті мемлекеттік орган;

сарқынды су - адам тұрмыста және өндірістік қызметте пайдаланылғаннан кейін жіберілген су.

## **2. Шарттың мәні**

2. Қызмет беруші Шарттың талаптарына сәйкес Тұтынушыға сумен жабдықтау және/немесе сарқынды суды қабылдау жөніндегі коммуналдық қызметтер көрсетуге (бұдан әрі - қызметтер көрсету) міндеттенеді, ал Тұтынушы қабылданған қызметке ақы төлеуге міндеттенеді.

3. Қызметтер көрсетудің техникалық шарттары мен сипаттары мемлекеттік стандарттар мен өзге де нормативтік құжаттарда белгіленген санитарлық-гигиеналық нормаларға және талаптарға сәйкес келуге тиіс.

4. Шарт Қызмет берушінің желілеріне қосылған қажетті жабдық Тұтынушыда болған кезде онымен жеке тәртіппен жасалады.

Заңнамада көзделген жағдайларда, Тұтынушы Шарт жасасу жөніндегі өзінің өкілдігін үшінші тұлғаға беруге құқығы бар.

5. Қызметтер көрсету ұсыну режимі - тәулік бойы.

6. Кондоминиум объектілерінің су құбыры желісін пайдалану жауапкершілігінің бөлу шекарасы жеке тұрғын үй құрылысы объектілерінің және заңды тұлғалардың ғимаратына кірердегі бірінші ысырманың бөлуші фланеці - Қызмет берушінің су құбыры желілеріне қосу орнындағы айдау-ажыратқыш арматураның бірінші фланеці болып табылады.

Кондоминиум объектілерінің кәрізді пайдалану жауапкершілігінің бөлу шекарасы қалалық кәріз желісіне қосылған орындағы құдық болып табылады.

### **3. Қызметтер көрсетуді беруді тоқтату және қосу шарттары**

7. Қызметтер көрсетуді беруді тоқтату және тоқтата тұру:

- 1) авария жағдайы не азаматтардың өмірі мен қауіпсіздігіне қауіп төнген;
- 2) Қызмет берушінің желісіне өз бетімен қосылған;
- 3) есеп айырысу кезеңінен кейінгі үш айдың ішінде қызметтер көрсету үшін төлем жасалмаған;
- 4) Қызмет берушінің өкілдерін есептеу құралдарына бірнеше рет жібермей қойған;
- 5) труба құбырларына дезинфекция жүргізу қажет болған жағдайларда;
- 6) нормативтік құқықтық кесімдермен және Тараптардың келісімімен көзделген басқа да жағдайларда жүргізіледі.

Осы тармақтың 3), 4) және 5) тармақшаларында көрсетілген жағдайларда Тұтынушы қызметтер көрсетуді беруді тоқтатқанға дейін кемінде бір ай бұрын хабар етіледі.

8. Шарттың 7-тармағының 1) және 2) тармақшаларында айтылған жағдайларда Тұтынушыны қосу туындаған бұзушылықтарды болдырмау және жою кезінде жүргізіледі.

Шарттың 7-тармағының 3) және 4) тармақшаларында айтылған жағдайларда қосу борышты өтегеннен және есепке алу құралдарын салыстыруды өткізгеннен кейін жүргізіледі.

Қосқаны үшін төлем өндіріп алынбайды.

### **4. Қызметтер көрсетудің құны мен оған ақы төлеу тәртібі**

9. Берілген суға және/немесе сарқынды суға қабылданған ақы төлеу реттеуші орган бекіткен тарифтер бойынша жүргізіледі.

Қызметтер көрсетудің құны шарттың өзге талаптары сияқты Қазақстан Республикасының заңнамасында белгіленген жеңілдіктер мен артықшылықтарды ескере отырып, қызметтер көрсетуді ұсыну жағдайларынан басқа жағдайларда, барлық тұтынушылар үшін бірдей белгіленеді.

10. Ақы төлеуді Тұтынушы нақты ұсынылған қызметтер көрсетудің мөлшері

үшін ай сайын төлем құжатының негізінде, егер Тараптардың келісімінде өзгеше көзделмесе, келесі есеп айырысу кезеңінен кейінгі айдың 25-күніне дейінгі мерзімде жүргізеді.

## **5. Қызметтер көрсетуді беруді және тұтынуды есепке алу**

11. Берілген су мөлшері жеке есептеу құралдарының көрсеткіштері бойынша, жеке есептеу құралдары болмаған кезде нақты тұратын адамдар санына сәйкес деректерді бөле отырып, жалпы үйдің есептеу құралының көрсеткіштері бойынша, ал олар болмаған кезде осы елді-мекен үшін бекітілген су тұтыну нормалары бойынша есеп айырысу жолымен белгіленеді.

Қызмет берушімен есеп айырысу үшін өрт сөндіру автоцистерналарына құюға пайдаланатын судың мөлшері жолға шығатын техникамен өрт сөндіру депосы ғимараттарында ескерілмейді.

12. Тұтынушыдан бөлінген су мөлшері кәріз жүйесіне:

1) ыстық сумен жабдықтау жүйесі жабық кезде, жергілікті су жылытқыш пайдаланылған жағдайда - берілген суық су мөлшеріне;

2) ыстық сумен жабдықтау жүйесі ашық кезде, ыстық су орталықтандырылған ыстық сумен жабдықтау жүйесінен келіп түскен жағдайда - берілген суық су мөлшеріне ыстық сумен жабдықтауға берілген судың мөлшерін қосып тең қабылданады.

13. Қайтарымсыз жоғалған су және өрт сөндіру автоцистерналарына құюға пайдаланатын су сарқынды суды айдау үшін есеп айырысу кезінде ескерілмейді.

Қайтарымсыз жоғалған судың мөлшері технологиялық есептерге сай айқындалады.

14. Есептеу құралдарынсыз Тұтынушыны тікелей қосуға Қызмет берушінің рұқсатымен уақытша жол беріледі. Мұндай жағдайда берілген қызметтер көрсетудің мөлшерін Қызмет беруші есеп айырысу жолымен не Тараптардың келісімімен белгілейді.

15. Есепке алу Тұтынушының кінәсінен тыс уақытша бұзылған кезде қызметтер көрсеткені үшін есеп айырысу алдыңғы есепті кезеңнің орташа тәуліктік шығысы бойынша жүргізіледі.

16. Пәтерде немесе жеке үйде орнатылған есептеу құралдарының сақталуын қамтамасыз ету Тұтынушыға жүктеледі. Қызмет беруші есептеу құралдарын арнайы бөлінген үй-жайға орнатқан кезде олардың сақталуы үшін Қызмет беруші жауап береді.

17. Есептеу құралдарын белгісіз бір тұлғалар ұрлаған немесе сындырған жағдайда, оның сақталуына жауапты тұлға, егер Тараптардың келісімінде өзгеше көзделмесе, бір ай мерзімде есептеу құралдарын қалпына келтіруге міндетті.



Есептеу құралдарын қалпына келтіру сәтіне дейін Тұтынушы оны желіге қосуды талап етуге құқылы.

## 6. Тұтынушының құқықтары мен міндеттері

18. Тұтынушы :

1) қызметтер көрсетуді белгіленген сапада, оның денсаулығына қауіпсіз, оның мүлкіне зиян келтірмейтін Шарттың талаптарына сәйкес қажетті мөлшерде алуға ;

2) қажетті көлемдегі сарқынды суды рұқсат етілген жүктемелер шегінде айналуға ;

3) Қызмет берушіден қызметтер көрсетуді есептеу құралдарын орнатуды талап етуге ;

4) Қызмет берушінің заңнамаға қайшы келетін әрекеттерін немесе әрекетсіздігін уәкілетті органға және (немесе) сот тәртібімен шағым жасауға;

5) қызметтер көрсетуге арналған тариф жобасын талқылау жөнінде өткізілетін жария тыңдауларға қатысуға;

6) уақтылы төлем жасаған кезде оған қажетті көлемде қызметтер көрсетуді пайдалануға ;

7) Қызмет берушіден қызметтер көрсетуді тиісінше ұсына алмау салдарынан өмірге, денсаулыққа және (немесе) мүлікке келтірілген залалды толық көлемде өтеуді, сондай-ақ моральдық залалды өтеуді белгіленген тәртіппен талап етуге;

8) мемлекеттік стандарттарда және өзге де нормативтік құжаттарда белгіленген талаптарға сәйкес келмейтін қызметтер көрсетуді ұсынған жағдайда қызметтер көрсетудің құнын қайта есептеуді талап етуге;

9) өзінің қарамағындағы су құбырлары мен кәріз желілерінің пайдалану қауіпсіздігін, сумен жабдықтауға және сарқынды суды айдауға байланысты олар пайдаланатын құралдар мен жабдықтардың жарамдылығын қамтамасыз етуге;

10) егер Қызмет беруші белгіленген тәртіппен шот қоймаса, алынған қызметтер көрсету үшін ақы төлеуді жүргізбеуге;

11) Қызмет берушіні бұл туралы бір айдан кешіктірмей жазбаша хабарлама берген кезде пайдаланылған қызметтер көрсетуге ақы төлеп, Шартты біржақты тәртіппен бұзуға құқығы бар.

19. Тұтынушы :

1) берілген төлем құжаттарына сәйкес ұсынылған қызметтер көрсетуге уақтылы және толық көлемде ақы төлеуге;

2) Қызмет берушіге қызметтер көрсетуді пайдалану кезінде туындаған сумен жабдықтау, кәріз жүйелері құрылысының және есептеу құралдарынан жұмысындағы ақаулар туралы, ал сумен жабдықтау мен кәріз жүйесінің

құрылысы бұзылған немесе ластайтын, улы заттарды авариялық тастау жағдайында - төтенше жағдайлардың алдын алу және оларды жою жөніндегі жергілікті органдарға, өртке қарсы қызметке, санитарлық-эпидемиологиялық қызметке және қоршаған ортаны қорғау қызметіне де дереу хабарлауға;

3) Қызмет беруші өкілдерінің желілердің, құралдардың және жабдықтардың техникалық жай-күйін және қауіпсіздігін бақылау үшін есептеу құралдарына қол жеткізуін қамтамасыз етуге;

4) қызметтер көрсетуді пайдалану кезінде техника қауіпсіздігі жөніндегі талаптарды сақтауға міндетті.

## **7. Қызмет берушінің құқықтары мен міндеттері**

### **20. Қызмет беруші:**

1) ұсынылған қызметтер көрсету үшін уақтылы және толық көлемде ақы алуға;

2) заңнамаға сәйкес сақтауға міндетті техникалық талаптарды белгілеуге;

3) реттеуші орган бекіткен тәртіппен тарифтердің қолданыстағы кезеңіне барлық Тұтынушылар үшін ұсынылатын қызметтер көрсету үшін тарифтерді азайтуға;

4) сумен жабдықтау, кәріз жүйелері құрылысына техникалық қызмет көрсетуді жүргізуге және есептеу құралдарын тексеру мен тексерісті ұйымдастыруға;

5) қызметтер көрсетуді тұтынуға және оған ақы төлеуді бақылауды жүзеге асыруға құқығы бар.

### **21. Қызмет беруші:**

1) Тұтынушыны Шарттың талаптарына сәйкес қызметтер көрсетумен уақтылы және үздіксіз жабдықтауды қамтамасыз етуге;

2) жөндеу және алдын алу жұмыстарын жүргізуге арналған үзілістерді қоспағанда, қызметтер көрсетумен қамтамасыз ету жүйелерін Тұтынушыға қызмет көрсетуге тұрақты дайындықта ұстауға;

3) Тұтынушыларға қызметтер көрсетуді есептеу құралдарын сатып алуға және орнатуға;

4) ұсынылатын қызметтер көрсетудің сапасы мен мөлшеріне есеп жүргізуге және оны бақылауға, қызметтер көрсетуді ұсынуудағы бұзушылықтардың алдын алу және оларды жою жөнінде уақтылы шаралар қабылдауға;

5) Тұтынушы қызметтер көрсету сапасының төмендегені туралы арыз берген күннен бастап үш күннің ішінде сапаны қалпына келтіру жөнінде барлық шараларды қабылдауға және қайта есеп жүргізуге;

6) Тұтынушымен қызметтер көрсетуді ұсынуға арналған шарт жасасуға;

- 7) Тұтынушыға берілетін қызметтер көрсетуге ақы төлеуге келесі есепті айдың 10 күніне дейінгі мерзімде төлем құжатын ұсынуға;
- 8) Тұтынушыларды тарифтердің өзгергені туралы олар қолданысқа енгізілгенге дейін он күннен кешіктірмей хабардар етуге;
- 9) сумен жабдықтаудың көлемі мен сапасына негізді кінәраттар алынған кезде, Тұтынушының талабын 24 сағаттың ішінде қанағаттандыруға;
- 10) Тұтынушының жылу желілері мен есептеу құралдарын тексерген кезде қызметтік куәлікті көрсетуге;
- 11) алдын алу және жөндеу жұмыстарын жүргізу кезеңінде Тұтынушыға ауыз суды көлік құралдарымен жеткізіп беруге міндетті.

## 8. Тараптарды шектеу

### 22. Тұтынушыға :

- 1) Қызмет берушімен келісімсіз үй ішіндегі желілерді, сумен жабдықтау, кәріз жүйелері құрылыстары мен есептеу құралдарын қайта жабдықтауға;
- 2) қызметтер көрсетудің қолда бар есептеу схемаларын бұзуға тыйым салынады ;

### 23. Қызмет берушіге :

- 1) басқа Тұтынушылардың талаптарды орындамауы себептері бойынша Тұтынушыны қызметтер көрсетуді ұсынудан бас тартуға немесе қызметтер көрсетуді алудан шектеуге ;
- 2) ұсынылған қызметтер көрсету үшін реттеуші орган белгілегеннен артық ақы алуға ;
- 3) Тұтынушыдан қызметтер көрсетуге оларға төлемдер құжаттарын ұсынбай ай сайын ақы төлеуді, сондай-ақ көрсетілетін қызметтер үшін алдын ала ақы төлеуді талап етуге тыйым салынады.

24. Тараптарға Тараптардың құқықтарын шектейтін не Қазақстан Республикасының заңнамасын өзгеше түрде бұзатын іс-әрекеттер жасауға тыйым салынады.

## 9. Тараптардың жауапкершілігі

25. Жабдықтар мен инженерлік желілерді тиісінше ұстау үшін жауапкершілік оның меншік иесіне жүктеледі және теңгерімдік тиесілілік бөлу шекаралары бойынша айқындалады .

26. Шартта көзделген міндеттемелерді орындамаған немесе тиісті орындамаған жағдайда, кінәлі тарап екінші тарапқа заңнамаға сәйкес келтірілген зиянның орнын толтырады .

27. Ұсынылған қызметтер көрсеткені үшін төлемнің мерзімі өткен жағдайда

Тұтынушы Шартқа сәйкес (30-тармақта көзделген жағдайларды қоспағанда) Қазақстан Республикасының Ұлттық Банкі қайта қаржыландырудың 1,5 есе ставкасынан аспайтын мөлшерде осы сомаларды төлейтін күнде қолданылатын, әрбір мерзімі өткен күн үшін, бірақ негізгі борыш сомасынан аспайтын тұрақсыздық айыбын төлейді.

Тұрақсыздық айып мөлшерін белгілеу Тұтынушымен Шарт жасасқан кезде жүргізіледі. Тұрақсыздық айыбын есептеудің басталу мерзімі, егер Тараптардың келісімімен өзгеше айтылмаған болса, есепті кезеңнен кейінгі келесі айдың бірінші күні болып табылады.

28. Егер Қызмет беруші үшін Тұтынушыға Қызмет берушімен шарттық қатынастарда тұратын басқа тұлғалардың кінәсінен қызметтер көрсету ұсыну мүмкін болмаса, Тұтынушы алдында Қызмет беруші жауап береді.

29. Тұрақсыздық айыбын (айыппұл) төлеу Тараптарды Шарт бойынша міндеттемелерді орындаудан босатпайды.

30. Құжатпен расталған ауыр материалдық шығынға немесе уақытша еңбекке жарамсыздыққа әкеп соқтырған ауырған немесе жазатайым оқиға кезінде Тараптардың келісімі бойынша Тұтынушыға оның жазбаша өтініші бойынша өсімпұл есептеу жөніндегі мерзім ұзартылуы мүмкін.

## **10. Форс-мажор мән-жайлары**

31. Тараптардың бір де біреуі форс-мажор мән-жайлары басталған жағдайда, яғни Шарттың талаптарын орындамауға немесе тиісті орындамауына әкеп соқтырған еңсерілмес күш жағдайлары (табиғи апат немесе болжау немесе алдын алу мүмкін емес өзге де жағдайлар), сондай-ақ әскери іс-қимылдар, ереуілдер және басқа да жағдайлар басталған жағдайда басқа тараптың алдында жауапты болмайды.

Еңсерілмес күш жағдайлары туындаған жағдайда Тараптар олар басталған күннен бастап бес жұмыс күні ішінде бұл туралы бір-біріне Қазақстан Республикасының тиісті уәкілетті ұйымы растаған форс-мажор мән-жайларын басталған күні мен сипаттарын нақтылайтын жазбаша хабарламаны кейіннен беру не почтамен жіберу арқылы хабарлайды.

Тараптардың Шарт бойынша міндеттемелері еңсерілмес күш жағдайларының әрекет ету мерзіміне, бірақ осындай жағдайлар Тараптардың Шарт бойынша міндеттемелерін орындауға кедергі келтіретін дәрежеде ғана тоқтатылуы мүмкін.

Егер еңсерілмес күш жағдайы 3 және одан да көп айларға созылған жағдайда, Тараптардың әрқайсысы басқа тарапқа болжалды бұзу күніне дейін кемінде жиырма күнтізбелік күннен кешіктірмей алдын ала хабарлаған кезде Шартты

бұзуға құқылы. Бұл ретте Тараптар 30 күнтізбелік күн ішінде Шарт бойынша барлық өзара есеп айырысуды жүргізуге міндеттенеді.

## **11. Жалпы ережелер және дауларды шешу**

32. Тараптар өздерінің құқықтық қатынастарында Шартты және қолданыстағы заңнаманы басшылыққа алады.

33. Қызметтер көрсетуді ұсыну Шарты Тұтынушының белгіленген тәртіппен іс жүзінде желілерге бірінші қосу сәтінен бастап күшіне енеді.

Тұрмыстық Тұтынушы үшін Шарттың іс-әрекеті мерзімсіз, ал мемлекеттік бюджеттен қаржыландырылатын мемлекеттік мекемелер үшін қолданыстағы заңнамаға сәйкес болып табылады.

34. Шарттың талаптарын бұзу немесе өзгерту Қазақстан Республикасының заңнамасында көзделген негіздер бойынша және тәртіппен жүргізіледі.

35. Шарт, егер Тұтынушы осы рынокта қызметтер көрсетуді ұсыну жөніндегі қызметті жүзеге асыратын өзге Қызмет берушімен Шарт жасасқан жағдайда, өз күшін жоғалтады. Бұл ретте Тұтынушы Қызмет берушіні Шартты алдағы бұзғанға дейін кемінде бір ай бұрын хабардар етуге және тұтынылған қызметтер көрсетуге толық көлемде ақы төлеуге міндетті.

36. Тараптардың бірі Шарт бойынша міндеттемелерін орындамаған немесе бұзған кезде, екінші тарап келтірілген зиянды өтеу туралы талаптар қоя отырып, Шартты біржақты тәртіппен бұзуға құқылы.

37. Тараптардың арасындағы келісімге қол жетпеген кезде, даулар мен қайшылықтар сот тәртібімен шешіледі.

38. Шарт Тараптарда сақталатын және бірдей заң күші бар 2 данада жасалады

39. Мемлекеттік бюджеттен қаржыландырылатын мемлекеттік мекемелерге арналған Шарт Қазақстан Республикасы Қаржы министрлігінің аумақтық қазынашылық органдарында тіркеледі және ол тіркелген сәттен бастап қолданысқа енгіzedі.

40. Тараптардың келісімі бойынша Шарт үлгі Шарттың нормаларына қайшы келмейтін басқа талаптармен толықтырылуы мүмкін.

41. Шартта айтылмаған Тараптар арасындағы қатынастар қолданыстағы заңнамаға сәйкес реттеледі.

## **12. Тараптардың деректемелері**

Қызмет беруші: \_\_\_\_\_ Тұтынушы: \_\_\_\_\_  
Қ а з а қ с т а н Р е с п у б л и к а с ы  
Ү к і м е т і н і ң

2004 жылғы 23 сәуірдегі

№ 458 қаулысына

5-қосымша

Қазақстан Республикасы

Үкіметінің

2003 жылғы 28 қарашадағы

№ 1194 қаулысымен

бекітілген

**Мұнай тасымалдау жөніндегі қызметтер көрсетуді  
ұсынуға арналған  
үлгі шарт**

\_\_\_\_\_ 200\_ жылғы "\_\_\_" \_\_\_\_\_  
(шарттың жасалған орны)

Бұдан әрі Қызмет беруші деп аталатын, \_\_\_\_\_  
(құжаттың атауы)

\_\_\_\_\_ негізінде әрекет ететін, мұнай тасымалдау бойынша табиғи монополия.  
ның қызметтер көрсетуін (бұдан әрі - Қызметтер көрсету) ұсынатын

\_\_\_\_\_ (қызметтер көрсетуді ұсынатын субъектінің атауы, құрылтай құжаттары,  
\_\_\_\_\_ атынан  
мемлекеттік тіркеу туралы куәлік, берген күні мен орган)  
\_\_\_\_\_ бір тараптан және  
(лауазымы, аты-жөні)

бұдан әрі Тұтынушы деп аталатын, \_\_\_\_\_ атынан  
(тұтынушының атауы)  
\_\_\_\_\_ екінші тараптан, бұдан әрі  
(лауазымы, аты-жөні)

Тараптар деп аталатындар мына төмендегілер туралы осы Шартты (бұдан әрі - Шарт) жасасты.

**1. Шартта пайдаланылатын негізгі ұғымдар**

1. Шартта мынадай негізгі ұғымдар пайдаланылады:  
Қызмет берушінің магистралды мұнай құбырларының жүйесі (бұдан әрі - ММ жүйесі) - мұнайды қабылдау пункттерінен оны жүкті алушыға беру пункттеріне дейін тасымалдауды, көліктің басқа түріне ауыстырып құюды немесе басқа сабақтас құбыр жүйелеріне беруді қамтамасыз ететін жер асты, су

асты, жер беті және жер үсті құбырларынан, мұнайды қайта айдау станцияларынан, сорғы станцияларынан, резервуарлардан, мұнайды қабылдау, тапсыру, құйып алу, құю, жылыту, араластыру пункттерінен және басқа да технологиялық объектілерден тұратын бірыңғай технологиялық жүйе;

тасымалдау жөніндегі қызметтер көрсету - мұнайды қабылдау, қайта айдау, ауыстырып тиеу, құйып алу, құю, сақтау және араластыру жөніндегі қызметтер  
к ө р с е т у ;

мұнайды тапсыру және қабылдау пункті (бұдан әрі - ТҚП) - мұнайды қабылдау және тапсыру жүргізілетін, қабылдау-тапсыру құжаттары ресімделетін  
п у н к т ;

жүкті алушы - Тұтынушы немесе Тұтынушы тасымалдау бағытының соңында ТҚП-ға мұнайды қабылдауға уәкілеттік берген тұлға;

мұнай - шикі мұнай, газ конденсаты және табиғи газ, сондай-ақ шикі мұнайды, табиғи газды тазартқаннан кейін және жанар тақтатастарын немесе шайырлы құмдарды өңдеуден кейін алынған көмірсутегі;

кесте - мұнайды Қазақстанның мұнай өңдеу зауыттарына жеткізу кестесі (жылдық, тоқсандық, айлық) және Қазақстан Республикасының құзыретті мемлекеттік органы бекіткен экспорт;

позициялық кесте - белгіленген тәртіппен бекітілген және келісілген теңіз порттарындағы тоннажды беру және орналастыру кестесі;

төлемге тапсырма - мұнайды тасымалдау жөніндегі қызметтер көрсетуге алдын ала ақы төлеу құжаты;

бағыттық тапсырма (бұдан әрі - БТ) - Қызмет берушінің өзінің филиалдарына қажетті жүк ілеспе құжаттары, мұнайды тасымалдау бағыты, бағыт басында ТҚП-де ММ жүйесіне қабылданатын және бағыт соңында ТҚП-де Жүк алушыға тапсырылатын мұнай мөлшері, иеленуші, мұнайды беру тәртібі және соңғы Жүк алушы көрсетілген мұнай партиясын тасымалдау жөніндегі операцияларды жүзеге асыруға арналған тапсырмасы;

тасымалдаудың айлық кезеңі (бұдан әрі - ТАК) - мұнайды тасымалдау және оны есепке алу жүргізілетін мәскеу уақытымен қысқы кезеңде күнтізбелік айдың 1-күнінің 06:00 сағатынан бастап және мәскеу уақытымен жазғы кезеңде күнтізбелік айдың 1-күнінің 07:00 сағатынан бастап мәскеу уақытымен қысқы кезеңде келесі айдың 1-күнінің 06:00 сағатына дейінгі және мәскеу уақытымен жазғы кезеңде келесі айдың 1-күнінің 07:00 сағатына дейінгі уақыт аралығы;

тасымалдаудың жылдық кезеңі (бұдан әрі - ТЖК) - 12 ТАК-ты қамтитын ұзақтығы бір күнтізбелік жыл мұнайды тасымалдау кезеңі;

мұнайдың міндетті ең аз жылдық көлемі - ТЖК ішінде БТ жүйесіне Тұтынушы жеткізуге міндетті, Шарттың 4-тармағына сәйкес және Қазақстан Республикасының құзыретті мемлекеттік органымен белгіленген тәртіппен

келісілген мұнай тасымалдаудың жекелеген бағыттары бойынша Тараптар  
к ө з д е й т і н м ұ н а й к ө л е м і ;

мұнайдың міндетті ең аз айлық көлемі - мұнайдың міндетті ең аз жылдық  
к ө л е м і н і ң 1 / 1 2 ;

мұнайдың кем жеткізілген көлемі - мұнайдың міндетті ең аз айлық көлемінің  
немесе айлық кестеде (егер ол міндетті ең аз айлық көлемнен кем болған  
жағдайда) бекітілген мұнай көлемінің және ММ жүйесіне тасымалдау үшін ТАК  
ішінде нақты тапсырылған мұнай көлемінің арасындағы айырма;

мұнайдың толық мәлімделмеген көлемі - мұнайдың міндетті ең аз айлық  
көлемі мен есепті ТАК-қа Тұтынушы тасымалдау үшін мәлімдеген мұнай  
көлемінің а р а с ы н д а ғ ы а й ы р м а ;

техникалық келісім - Шарттың ажырамас бөлігі болып табылатын ММ  
жүйесіне мұнайды қабылдау тәртібі туралы Техникалық келісім.

## **2. Шарттың мәні**

2. Қызмет беруші Тұтынушыға мұнайды ММ жүйесі бойынша Қазақстан  
Республикасының ішкі рыногына жеткізу үшін және/немесе мұнайды кейіннен  
Жүк алушыға беру арқылы экспортқа тасымалдау жөніндегі қызметтерді  
к ө р с е т у г е м і н д е т т е н е д і .

3. Тұтынушы бағыттың басында ТҚП-ға ММ жүйесіне тасымалдауға  
арналған мұнай көлемін тапсыруға және мұнайды тасымалдау жөніндегі  
қызметтер көрсетуге Шартта белгіленген тәртіппен және мерзімде ақы төлеуге  
м і н д е т т е н е д і .

4. Мұнайдың міндетті ең аз жылдық көлемі мынаны құрайды:

---

---

---

## **3. Қызмет берушінің құқықтары мен міндеттері**

5. Қ ы з м е т б е р у ш і н і ң :

1) Тұтынушыдан ұсынылатын қызметтер көрсету үшін Шартта белгіленген  
тәртіппен және жағдайларда уақтылы ақы алуға;

2) Қазақстан Республикасының заңнамасына сәйкес Тұтынушының сақтауы  
үшін міндетті техникалық талаптарды белгілеуге;

3) уәкілетті мемлекеттік орган бекіткен тәртіппен барлық Тұтынушылар үшін  
ұсынылатын қызметтер көрсету үшін тарифтерді азайтуға;

4) Тұтынушыдан бағыт басында ТҚП-ға мұнайдың міндетті ең аз көлемін  
ММ жүйесіне Шартта белгіленген талаптарда уақтылы тапсыруды талап етуге;



5) Тұтынушыға мұнайды қабылдаудан және тасымалдаудан, соның ішінде мынадай себептер бойынша:

бағыттың соңында ТҚП-ға мұнайды қабылдаудан бас тартқан немесе Тұтынушының ММ жүйесінде бар ресурстарын таратпаған жағдайда;

Тұтынушы мұнай тасымалдау жөніндегі қызметтер көрсету үшін ақы төлемеген жағдайда;

Шарттың 8-тармағының 3), 4) тармақшаларына сәйкес құжаттарды ұсынбаған жағдайда жауапкершілікке алып сақтаудан бас тартуға құқығы бар.

#### 6. Қызмет беруші:

1) Тұтынушы Шарт бойынша өз міндеттемелерін тиісінше орындаған кезде Шарттың қолданылу мерзімі ішінде айлық кестеде көрсетілген Тұтынушының мұнай көлемдерін тасымалдау жөніндегі қызметтерді Шартта белгіленген тәртіппен және жағдайларда көрсетуге;

2) Тұтынушыны мұнайды қабылдауды шектеуге әкелетін кез келген төтенше жағдайлар немесе авариялар туралы жедел хабардар етуге;

3) Шарттың қолданылу мерзімі ішінде ММ жүйесінің техникалық мүмкіндіктері шегінде жекелеген сегменттерге де, сол сияқты тұтастай алғанда ММ жүйесіне де қолдануға болатын Тұтынушының мұнайға кемсітпеушілікпен қол жеткізуін қамтамасыз етуге;

4) есепке алудың негізгі және резервтік схемасы бойынша мұнайдың мөлшері мен сапасын өлшейтін құралдардың жай-күйі мен қолданылуына метрологиялық бақылау мен қадағалауды жүзеге асыруға;

5) айлық кестені, позициялық кестені алған күннен бастап бес жұмыс күнінің ішінде Тұтынушының мұнай көлемдерін және тасымалдау бағыттарын көрсете отырып, Тұтынушыға хабарлама жолдауға;

6) айлық кесте негізінде төлемге арналған тапсырмаларды ресімдеуді жүргізуге, оларды Тұтынушыға Шарттың 6-бөліміне сәйкес тасымалдау жөніндегі Қызметтер көрсетуге ақы төлеу үшін жолдауға;

7) Қызмет берушінің банктік шотына төлемге арналған тапсырмаға сәйкес толық ақының түскен күнінен бастап үш жұмыс күні ішінде бағыттық тапсырманы шығаруды қамтамасыз етуге;

8) Тұтынушыға мұнайды тасымалдау жөніндегі қызметтер көрсетуге тарифтердің өзгерістері туралы оларды қолданысқа енгізгенге дейін он күннен кешіктірмей хабарлауға;

9) Тұтынушыға ТАК-тен кейінгі айдың 10-күніне дейін ММ жүйесі бойынша ТАК үшін мұнайды қабылдаудың және жеткізудің нақты көлемдері туралы мәліметтер беруге;

10) Тұтынушының мұнайды тасымалдауға арналған өтінімін оның түскен күнін міндетті түрде көрсете отырып уақтылы тіркеуге;

11) Тұтынушымен жасалатын көліктік экспедицияның жеке шарты негізінде таяу және/немесе алыс шет елдерге экспортталатын мұнайды жөнелтумен байланысты қызметтер кешенін көрсетуді қамтамасыз етуге;

12) Шартқа қол қойылған күнінен бастап екі жұмыс күні ішінде Тұтынушыға Шарттың 8-тармағы 1) тармақшасында көрсетілген өтінімдер нысанын ұсынуға міндетті.

#### **4. Тұтынушының құқықтары мен міндеттері**

##### **7 . Т ұ т ы н у ш ы н ы ң :**

1) тиісті сападағы қызметтер көрсетуді алуға және Қызмет берушіден мемлекеттік стандарттарда және өзге де нормативтік құжаттарда белгіленген талаптарға сәйкес келмейтін қызметтерді ұсынған жағдайда қызметтер көрсету құнын қайта есептеуді талап етуге;

2) Қызмет берушіден ТАК-тен кейінгі айдың 10-күніне дейін есепті ТАК ішінде ММ жүйесі бойынша мұнайды қабылдаудың және жеткізудің нақты көлемдері туралы мәліметтер алуға;

3) Қызмет берушіге өзінің өкілдері арқылы Шарттың 8-тармағында көрсетілген құжаттардың көшірмелерін, оларды берген күннен бастап бес жұмыс күнінің ішінде олардың түпнұсқаларын ұсынған жағдайда беруге;

4) Қызмет берушіде мұндай қосымша көлемдерді тасымалдаудың техникалық мүмкіндіктері болуы жағдайында мұнайдың міндетті ең аз айлық көлемінен асатын мұнайдың қосымша көлемін тапсыруды және тасымалдауды мәлімдеуге қ ұ қ ы ғ ы б а р .

##### **8 . Т ұ т ы н у ш ы :**

1) Қызмет берушіге мыналарды жолдауға:

а) ТЖК алдындағы жылдың 1 қыркүйегіне дейін - алдын ала; ТЖК алдындағы жылдың 1 қарашасына дейін - нақтыланған нысан бойынша: Шарттың 4-тармағына сәйкес мұнайдың міндетті ең аз жылдық көлемін қоса алғанда, Қызмет беруші белгілеген нысан бойынша мұнайды жоспарланатын тоқсандық көлемге бөле отырып, ММ жүйесі бойынша мұнай тасымалдаудың жоспарланатын көлемдері туралы жылдық өтінімді. Жоспарланатын ТЖК-ге арналған нақтыланған жылдық өтінім мәлімделген көлемдерді жылдық Кестеге қосу үшін негіз болып табылады;

б) келесі тоқсан басталғанға дейін қырық бес күнтізбелік мерзім бұрын Қызмет беруші белгілеген нысан бойынша мұнайдың міндетті ең аз айлық көлемін қоса алғанда, Қызмет беруші белгілеген нысан бойынша мұнайды жоспарланатын айлық көлемге бөле отырып, ММ жүйесі бойынша мұнай тасымалдаудың жоспарланатын көлемдері туралы тоқсандық өтінімді;

в) ТАК алдындағы айдың 10-күнінен кешіктірмей мұнайдың міндетті ең аз айлық көлемін қоса алғанда, Қызмет беруші белгілеген нысан бойынша мұнайды ММ жүйесі не тапсыруға және оны тасымалдауға арналған айлық өтінімді. Осы мерзімде ұсынылған айлық өтінімдер "бастапқы айлық өтінімдер" (бұдан әрі - БАӨ) деп аталады. ТАК-ке тасымалдауға осы тармақта көрсетілген мерзімнен кеш ұсынылған барлық айлық өтінімдер "қайталама айлық өтінімдер" (бұдан әрі - ҚАӨ) ретінде қаралатын болады. ҚАӨ ММ жүйесінің техникалық мүмкіндігінің болуы жағдайында бекітілген айлық кестені толықтыру үшін ғана пайдаланылуы мүмкін. Қазақстан Республикасының құзыретті мемлекеттік органы айлық кестені бекіткеннен кейін Тұтынушының айлық кестеде көрсетілген мұнай жеткізуі көлемін азайту мақсатындағы Тұтынушының өтінімдерді енгізуіне жол берілмейді;

2) Шартты қолданудың бүкіл мерзімі ішінде тиісті негізде бекітілген Кестеде көрсетілген мұнайдың көлемін ММ жүйесіне беруге;

3) Қазақстан Республикасының ішкі рыногына мұнайды тасымалдау кезінде Шарттың 6-тармағының 5) тармақшасында көрсетілген хабарламаны жіберген күннен бастап бес күнтізбелік күн ішінде Қызмет берушіге өзінің өкілдері арқылы мынадай құжаттар пакетін тапсыруға:

а) Тұтынушының мұнайдың барлық аралық иелерін және түпкі Тұтынушыны көрсете отырып, мұнайды өзінің ресурстарынан жеткізу туралы растамасын ( х а т т ы ң б л а н к т е г і т ү п н ұ с қ а с ы );

б) Қазақстан Республикасы МӨЗ-дің түпкі Жүк алушыны көрсете отырып, мұнайды қабылдауға келісімі туралы растамасын;

4) мұнайды Қазақстан Республикасының кеден аумағынан тыс жерге тасымалдау кезінде Қазақстан Республикасының кеден заңнамасына сәйкес өз бетінше және өз есебінен құжаттаманы ресімдеуге және Қызмет берушінің мұнай көлемдерін және оны тасымалдау бағыттарын көрсете отырып, хабарлама жіберген күннен бастап бес күнтізбелік күн ішінде Қызмет берушіге өзінің өкілдері арқылы мынадай құжаттар пакетін:

а) мұнайды экспортқа темір жол көлігімен және Ақтау порты арқылы ж е т к і з г е н к е з д е :

мұнайды экспорттауға арналған уақытша жүк кеден декларациясының т ү п н ұ с қ а с ы н ;

тауардың шығарылған жері сертификатының көшірмесін;

б) мұнайды ММ жүйесі бойынша экспорттау (импорттау) кезінде: мұнайды экспорттауға (импорттауға) арналған уақытша жүк кеден декларациясының т ү п н ұ с қ а с ы н (4-дана);

тауардың шығарылған жері сертификатының көшірмесін;

Тұтынушының түпкі Жүк алушының бағытын көрсете отырып, мұнайды

өзінің ресурстарынан жеткізу туралы растамасын (хаттың бланктегі түпнұсқасы)

б е р у г е

қ ұ қ ы л ы ;

5) ұсынылған қызметтер көрсетуге осы Шартта белгіленген тәртіппен және жағдайларда уақтылы және толық көлемде ақы төлеуге;

6) Қазақстан Республикасының құзыретті мемлекеттік органына және Қызмет берушіге кестеде бекіту үшін берілетін тасымалдауға арналған жылдық (айлық) өтінімде Шарттың 4-тармағында көрсетілген көлемнен төмен емес мұнайдың міндетті ең аз жылдық (айлық) көлемін көрсетуге;

7) ММ жүйесіне алдыңғы ТАК үшін мұнайдың толық мәлімделмеген және/немесе толық жеткізілмеген көлемін қосымша келесі ТАК-те тасымалдау үшін мәлімдеуге және беруге. Ауыспалы толық мәлімделмеген және/немесе толық жеткізілмеген көлем міндетті ең аз айлық көлемнен \_\_% аспауға тиіс. Өтінімдерді түзетуге және Тұтынушының ММ жүйесіне мұнайдың қосымша көлемін мұнайдың толық мәлімделмеген және/немесе толық жеткізілмеген көлемі есебінен беруге есепті тоқсанның шегінде рұқсат етіледі;

8) БТ ресімделгеннен кейін мұнайды тасымалдауға жүк ілеспе құжаттарын

қ а й т а р ы п

а л м а у ғ а ;

9) Қызмет беруші және Қазақстан Республикасының заңнамасы белгілеген техникалық талаптарды орындауға;

10) Тұтынушының құрылтай құжаттарындағы және деректемелеріндегі барлық өзгерістер туралы тиісті өзгерістер енгізілген күннен бастап бес жұмыс күнінің ішінде Қызмет берушіге хабарлауға міндетті.

## **5. Мұнайды көлемі мен сапасы бойынша қабылдау және тапсыру тәртібі**

9. Қызмет беруші мұнайды бағыттың соңында ТҚП-ға тасымалдау және тапсыру жөніндегі барлық қызметтер көрсетуді белгіленген техникалық талаптарға, Қызмет берушінің белгіленген тәртіппен келісілген және бекітілген нормативтік-техникалық құжаттарына және Техникалық келісімге сәйкес жүргізеді.

10. Тұтынушы мұнайды ММ жүйесіне бағыттың басында ТҚП-ға Шартта көзделген тәртіппен тапсырады.

11. Тұтынушының ММ жүйесіне тапсырған барлық мұнай Қызмет берушінің жауапкершілікпен сақтауында болады. Мұнайды жауапкершілікпен сақтау үшін тариф есептеу толық ТАК-те ММ жүйесінде болған мынадай үлгімен анықталатын мұнайдың бөлінбеген қалдығынан (көлемін құзыретті мемлекеттік орган бекітетін ұтқырлық, технологиялық қалдықтарды шегергенде) жүргізіледі:

а) егер ТАК соңында мұнайдың бөлінбеген қалдығы ТАК басындағы

қалдықтан артық болған жағдайда, онда ТАК басындағы бөлінбеген қалдық толық ТАК-те сақталған көлем болып саналады;

б) егер ТАК соңында мұнайдың бөлінбеген қалдығы ТАК басындағы қалдықтан аз болған жағдайда, онда көлем ТАК соңындағы бөлінбеген қалдық толық ТАК-те сақталған көлем болып саналады.

12. Мұнайды тасымалдау жөніндегі қызметтер көрсету БТ негізінде ММ жүйесіндегі мұнайдың технологиялық жүк ағыны схемасына сәйкес бағыттар бойынша жүргізіледі.

13. Қызмет беруші мұнайды Жүк алушыға беруді бағыттың соңында ТҚП-ға сапа паспорттарын және қабылдау-тапсыру актілерін ресімдей отырып мынадай тәртіппен:

1) Қазақстан Республикасының МӨЗ-іне жеткізу кезінде - мұнайды жеткізу жүзеге асырылатын МӨЗ өкіліне;

2) Кеңкияқ-Орск мұнай құбыры арқылы жеткізу кезінде - "Орскмұнайоргсинтез" ААҚ өкіліне немесе оның "Орск" ТҚП-дағы құқықтық мұрагеріне;

3) Ақтау порты арқылы мұнайды тиеу кезінде - Жүк алушыға;

4) мұнайды темір жол мұнай құю (құйып алу) эстакадаларында және мұнайды құюдың (құйып алудың) автомобиль пункттерінде тиеу кезінде - жүк алушыға;

5) Өзен-Атырау-Самара мұнай құбыры арқылы жақын және алыс шет елдер бағытына және Ресей Федерациясының МӨЗ-іне жеткізу кезінде "Привольжские магистральные нефтепроводы" ААҚ өкіліне немесе оның "Самара" ТҚП-дағы құқықтық мұрагеріне ресімдеп жүзеге асырады (Тараптар мұнайды тасымалдау бағыттарына байланысты осы тармақты басқа ережелермен толықтыруға құқылы)

14. Жүк алушыға бағыттың соңында ТҚП-де тапсырылған мұнайдың таза салмағы бойынша іс жүзіндегі мөлшері Тұтынушыдан бағыттың басында ТҚП-де қабылданған мөлшерден қолданыстағы табиғи кему нормаларына сәйкес есептелген мұнайдың ысырап көлемінен аз болуы тиіс.

15. Тұтынушы негізгі схема бойынша мұнайдың мөлшері мен сапасын өлшеу құралдарының жұмысын реттейін нормативтік-техникалық құжаттамалардың талаптарын сақтамаған кезде мұнайдың мөлшері мен сапасын анықтау жөніндегі рәсімдер бекітілген резервтік схемалар бойынша жүргізіледі.

16. Тасымалданатын мұнай көлеміне меншік құқығы бағыттың барлық өн бойында бағыттың басында ТҚП-де ММ жүйесіне тапсырғаннан бастап оны бағыттың соңында ТҚП-де Жүк алушы қабылданғанға дейін Тұтынушыда болады.

## **6. Тұтынушы тапсыратын мұнайдың сапасы**

17. ММ жүйесі бойынша жеткізу үшін мұнайдың сапасы мынадай талаптарға сәйкес болуы тиіс \_\_\_\_\_.

18. Қазақстан Республикасының ішкі рыногына жеткізу үшін мұнайдың сапасы мынадай талаптарға сәйкес болуы тиіс \_\_\_\_\_.

19. Мұнайда бос газдың және хлорорганикалық қоспалардың болуына жол берілмейді. Шарттың 17, 18-тармақтарында көрсетілген талаптарға сапасы бойынша сәйкес келмейтін мұнай ММ жүйесіне қабылданбайды.

20. Тұтынушы және Қызмет беруші Техникалық келісімге сәйкес мұнайды дайындау дәрежесін және сапасын бірге бақылайды.

## **7. Мұнайды тасымалдау кезінде құжаттарды ресімдеу тәртібі**

21. Мұнайды БТ негізінде қабылдау және тапсыру (бағыттың басында және соңында ТҚП-де) Қызмет берушінің мұнайды ММ жүйесі бойынша тасымалдау кезінде есепке алу жөніндегі талаптарына сәйкес мынадай актілермен ресімделеді:

1) ММ негізінде бағыттың басында ТҚП-де ресімделген мұнайды қабылдау-тапсыру актісі мұнайды ММ жүйесіне тасымалдау үшін қабылдаудың р а с т а м а с ы б о л ы п т а б ы л а д ы ;

2) бағыттың соңында ТҚП-де ресімделген мұнайды қабылдау-тапсыру актісі Қызмет берушінің Шартқа сәйкес мұнайды тасымалдау жөніндегі міндеттемелерін орындағанын растайды.

22. Тұтынушы ММ жүйесінде жауапкершілікпен сақтаудағы мұнайды үшінші тарапқа берген жағдайда Тұтынушы міндетті түрде Қызмет берушіге мұнайды қабылдау-тапсыру актісін келісу үшін ұсынады, бір түпнұсқасы Қызмет берушіде қалады. Қызмет берушімен мұнайды қабылдау-тапсыру актісін келіспеген жағдайда мұнайдың берілген көлемін ресімдеу жүргізілмейді.

## **8. Ақы төлеу және есеп айырысу тәртібі**

23. Мұнайды тасымалдау жөніндегі қызметтер көрсетуге ақы төлеуді Тұтынушы төлем тапсырмасы және шот-фактура бойынша Қазақстан Республикасының уәкілетті мемлекеттік органы бекіткен тарифтерге сәйкес Тұтынушыға оларды қойған күннен бастап бес банктік күн ішінде жүргізеді. Тұтынушы төлем тапсырмасы бойынша ақы төлеуді 100% алдын-ала төлеу т ә р т і б і м е н жү р г і з е д і .

Тұтынушы тасымалдауға жататын, брутто-тонна салмағы бойынша мұнай көлемі үшін қызметтер көрсетуге ақы төлеуді жүргізеді.

24. Төлем тапсырмасында және шот-фактурада көрсетілген Қызмет берушінің банктік шотына ақша іс жүзінде есептелген күн Тұтынушының Қызметтер көрсетуге ақы төлеу жөніндегі міндеттемелерін іс жүзінде орындаған күн деп т а н ы л а д ы .

25. Төлемді аударуға байланысты шығыстарды Тұтынушы көтереді.

26. Қызмет беруші Тұтынушыға Шарттың 6-тармағының 9) тармақшасына сәйкес мұнайды қабылдаудың және жеткізудің іс жүзіндегі көлем туралы мәліметтер негізінде, бағыт соңында ТҚП-ға іс жүзінде тапсырылған мұнайдың брутто салмағын көрсете отырып, шот-фактураны көрсетеді.

27. Ақы төлеу ақша әрбір төлем тапсырмасы және шот бойынша банк аударымдары арқылы аудару жолымен жеке жүргізіледі. Төлем тапсырмасында міндетті түрде ҚҚС сомасы, шарттың нөмірі, тасымалданатын мұнай мөлшері, төлем тапсырмасының, шоттың нөмірі және олардың шығарылған күні жеке ж о л м е н к ө р с е т і л у і т и і с .

28. Тұтынушы үшін қызметтер көрсетуге үшінші тұлғалардың ақы төлеуі Қызмет берушінің алдын ала келісімімен жүргізіледі. Бұл ретте төлем құжатында 27-тармақта көрсетілген мәліметтерден басқа, міндетті түрде Тұтынушының а т а у ы к ө р с е т і л е д і .

29. Әрбір тоқсан аяқталғаннан кейін Тараптар:

- 1) Шарт бойынша өткен тоқсанның өзара есеп айырысуларына;
- 2) Тұтынушының өткен тоқсандағы мұнайды жеткізу көлеміне салыстыру ж ү р г і з е д і .

Мұндай салыстырулар Қызмет берушіде есепті тоқсан аяқталғаннан кейін отыз күнтізбелік күннен кешіктірмейтін мерзімде жүргізіледі. Егер Тұтынушының уәкілетті өкілі есепті тоқсаннан кейінгі айдың 30 күніне дейін салыстыруға келмесе, Қызмет беруші Тұтынушыға (факс арқылы) біржақты қол қойылған актіні жібереді, ал Тұтынушы оларды алған күннен бастап 5 жұмыс күні ішінде оларға қол қоюға не дәлелді қарсылық білдіруге және өзінің уәкілетті өкілі арқылы бір уақыттағы бағытпен факс арқылы көшірмелер жіберуге міндетті . Тұтынушы қол қойылған актілерді не жазбаша қарсылықтарын есепті тоқсаннан кейінгі екінші айдың 10 күніне дейін ұсынбаған жағдайда салыстыру аяқталды деп, ал оның нәтижелері орындауға міндетті деп саналады.

## **9. Тараптардың жауапкершілігі**

30. Осы Шарт бойынша міндеттемелердің орындалмағаны немесе тиісті орындалмағаны үшін Тараптар Қазақстан Республикасының қолданыстағы заңнамасына сәйкес жауапты болады.

31. Төлем тапсырмалары мен шоттары бойынша төлемінің мерзімі өткені

үшін Тұтынушы Қызмет берушіге төлемнің мерзімі өткен күнінің іс жүзіндегі санын ескере отырып, Қазақстан Республикасының Ұлттық Банкі төлем жүргізілген күнге белгілеген қайта қаржыландырудың 1,5 есе ставкасы мөлшерінде тұрақсыздық айыбын төлейді.

32. Мұнайды ММ жүйесіне қабылдау сәтінен бастап және оны Жүк алушыға ТҚП-ға берген сәтке дейін тасымалдаудың соңғы бағытында Қызмет беруші оның сақталуына жауап береді.

33. Осы Шарттың талаптарына сәйкес айып санкцияларын төлеу шот жіберілген күннен бастап бес банктік күн ішінде жүргізіледі.

34. Егер Қазақстан Республикасының құзыретті мемлекеттік органы айлық (жылдық) кестеде Тұтынушының мәлімделген мұнай көлемін міндетті ең аз айлық (жылдық) көлемдерінен кем бекітсе, Тұтынушы мұнайдың толық мәлімделмеген және/немесе толық жеткізілмеген көлемі үшін жауапты болмайды, сондай-ақ Қызмет беруші де мұнайдың толық мәлімделмеген және/немесе толық жеткізілмеген көлемін ТАК ішінде тасымалдау жөніндегі қызмет көрсетпегені үшін жауапты болмайды.

35. Тұтынушы айлық кестені орындамаған немесе орындаудан бас тартқан жағдайда және егер бұл жағдайлар Қызмет берушінің қайта айдау режимінің азаюына не мұнай құбырының кез келген учаскесінің тоқтауына әкеп соқтырса, Тұтынушы Қызмет берушінің талабы бойынша барлық жеткізілмеген көлем үшін немесе Тұтынушы бас тартқан көлемге белгіленген тарифтің 20% мөлшерінде айыппұл төлейді.

36. Егер Тұтынушы мұнайды бағытталған пунктінде қабылдауды қамтамасыз етпеген және бұл жағдай Тұтынушының мұнай тасымалдау үшін іске қосылған мұнай құбыры учаскесінің тоқтауына себеп болған жағдайда, ол Қызмет берушінің талабы бойынша мұнай партияларын тасымалдау бағытының басында ресімделген әрбір тонна үшін (таза салмақ) ақы төлеу күніне Қазақстан Республикасының заңнамасында белгіленген айлық есептік көрсеткіштің (бұдан әрі - АЕК) 0,05% мөлшерінде айыппұл төлейді.

37. Қызмет берушінің мұнай құйып алу (мұнай құю) эстакадасына олардың ақаулығынан, мұнайды құйып алу (мұнай құю) мүмкіндігін болдырмайтын ақаулы вагон-цистерналарын берген қажетті ілеспе құжаттары жоқ болған, сондай-ақ мұнай құйып алу эстакадаларына бос вагон-цистерналарды берген жағдайда Тұтынушы Қызмет берушіге оның талабы бойынша әрбір осындай вагон-цистерна үшін 5 (бес) АЕК мөлшерінде айыппұл төлейді.

38. Қызмет берушінің мұнай құйып алу (мұнай құю) эстакадалары құйып алынған (құйылған) вагон-цистерналарды мезгілсіз жинаумен байланысты Тұтынушының кінәсінен бос тұрып қалған жағдайда Тұтынушы Қызмет берушіге оның талабы бойынша мұнай құйып алу (мұнай құю) эстакадасының



Тұтынушы мен Қызмет берушінің тиісті филиалы арасында жасалатын Мұнайды қабылдау тәртібі туралы техникалық келісімде белгіленген нормативтік уақыттан артық бос тұрып қалған әрбір сағаты үшін 30 (отыз) АЕК мөлшерінде өсім пұлын төлейді.

39. 37, 38-тармақтарда көрсетілген әрбір жағдай бойынша Тараптардың өкілдері мен "Қазақстан темір жолы" ҰК" ЖАҚ өкілі немесе басқа темір жол тасымалдаушының өкілімен тиісті акт жасалады. Тұтынушының өкілдері оған осындай актіні берген күннен бастап екі жұмыс күнінің ішінде актіге қол қоюдан бас тартқан жағдайда Қызмет берушінің уәкілетті өкілі қол қойған актіні Тұтынушы қабылдаған болып саналады.

40. Вагон-цистерналарды пайдалану жөніндегі құқығын белгілейтін ілеспе құжаттарынсыз вагон-цистерналарды берген кезде Қызмет берушінің өкілдері вагон-цистерналардың нөмірін тіркейді.

Осы вагон-цистерналарды сол бір пайдаланушылар ілеспе құжаттарды бұза отырып, бір айдың ішінде қайта берген кезде Тараптардың өкілдері тиісті акт жасайды және осы Шарттың 37-бабына сәйкес айыппұл өндіріп алады.

41. Егер Тұтынушы мұнайдың міндетті ең аз айлық көлемін есептік тоқсан ішінде мәлімдемеген және мәлімделмеген көлемді Шарттың 8-тармағының 7) тармақшасына сәйкес өтемеген жағдайда, ол Қызмет берушіге тиісті қызметтің тариф ставкасына есепті тоқсан үшін мәлімделмеген мұнай көлемін (таза салмағын) өндіру ретінде айқындалатын мөлшерде айыппұл төлейді.

42. Егер Тұтынушы (Қызмет беруші) есепті тоқсан ішінде ММ жүйесіне мұнайдың міндетті ең аз үш айлық көлемін (олар айлық кестелерде бекітілген жағдайда) тапсырмаған (қабылдамаған) және толық жеткізілмеген мұнай көлемін Шарттың 8-тармағының 7) тармақшасына сәйкес өтемеген жағдайда, ол Қызмет берушіге (Тұтынушыға) тиісті қызметтің тариф ставкасына есепті тоқсан үшін толық жеткізілмеген (қабылданбаған) мұнай көлемін (таза салмағын) өндіру ретінде айқындалатын мөлшерде айыппұл төлейді.

43. Тұтынушы Шарттың 8-тармағының 1) тармақшасында белгіленген өтінім беру мерзімдерін бұзған жағдайда, сондай-ақ өтінім Қызмет беруші белгілеген нысандарды бұзумен берілген жағдайда, Тұтынушы Қызмет берушіге 150 (бір жүз елу) АЕК мөлшерінде айыппұл төлейді.

44. Қызмет беруші Шарттың 6-тармағының 5), 7) тармақшаларын орындамаған жағдайда, Қызмет беруші Тұтынушыға 150 (бір жүз елу) АЕК мөлшерінде айыппұл төлейді.

45. Шарттың 8-тармағының 3), 4) тармақшаларында көрсетілген құжаттарды ұсыну мерзімдерін бұзғаны, сондай-ақ құжаттардың толық емес пакетін ұсынғаны үшін, Тұтынушы Қызмет берушінің талабы бойынша әрбір бұзушылық жағдайлары үшін 150 (бір жүз елу) АЕК мөлшерінде айыппұл төлейді.

46. Магистральдық құбырлар арқылы мұнай тасымалдау шарттарын уақтылы ресімдемегені және Қазақстан Республикасының құзыретті мемлекеттік органының кестелерімен бекітілген мұнайды ММ жүйесіне қабылдаудан негізсіз бас тартқаны үшін Қызмет беруші Тұтынушыға 150 (бір жүз елу) АЕК мөлшерінде айыппұл төлейді.

## **10. Форс-мажорлық мән-жайлар**

47. Тараптар Шарт бойынша міндеттемелерін орындамағаны немесе тиісінше орындамағаны үшін, егер бұл еңсерілмес күштің мән-жайлары салдарынан болса, жауапкершіліктен босатылады. Мұндай жағдайда Тараптардың бір де біреуі залалды өтеуге құқығы жоқ. Мұндай жағдайда Тараптардың кез келгенінің талабы бойынша өзара міндеттемелердің орындалуын анықтайтын комиссия құрылуы мүмкін. Бұл ретте Тараптардың бір де біреуі Шарт бойынша еңсерілмес күш мән-жайлары болғанға дейін туындаған міндеттемелерден босатылмайды.

48. Еңсерілмес күш жағдайлары пайда болған жағдайда Тараптар олар пайда болған күннен бастап бес жұмыс күнінің ішінде бұл туралы бір біріне Қазақстан Республикасының тиісті уәкілетті ұйымы растаған форс-мажордың басталған күнін нақтылайтын әрі сипаттайтын жазбаша хабарламаны беру не почтамен жіберу арқылы хабарлайды.

49. Тараптардың Шарт бойынша міндеттемелері еңсерілмес күш мән-жайлары қолданылу мерзіміне, бірақ осындай мән-жайлар Тараптардың Шарт бойынша міндеттемелерін орындауға кедергі болған дәрежеде ғана тоқтатылуы мүмкін.

50. Егер еңсерілмес күш жағдайлары 3 және одан да көп айларға созылған жағдайда, Тараптардың әрқайсысы басқа Тарапқа болжамды бұзу күніне дейін кемінде жиырма күнтізбелік күн бұрын алдын ала хабарлаған жағдайда Шартты бұзуға құқылы. Бұл ретте Тараптар 30 күнтізбелік күн ішінде Шарт бойынша барлық өзара есеп айырысуды жүргізуге міндеттенеді.

## **11. Жалпы ережелер және дауларды шешу**

51. Тараптар Шарттың талаптарын орындаған кезде Шарттың ережелерін және Қазақстан Республикасының заңнамасын басшылыққа алады.

52. Тараптар Шарттың талаптарын орындау кезінде бір бірінен алған кез-келген мәліметтер мен ақпараттың құпияда сақтауға міндетті (Құпия ақпарат). Тараптар Шарттың қолданылу мерзімі ішінде, сондай-ақ оның қолданысы аяқталғаннан кейінгі бес жыл ішінде Құпия ақпаратты қандай да бір себеппен үшінші тұлғаларға басқа Тараптың алдын ала жазбаша рұқсатынсыз бермеуге міндеттенеді.

53. Тараптардың бірі құпия ақпаратты үшінші Тұлғаға берген жағдайда (Шарттың талаптарын орындауға қатысатын Тараптардың қызметкерлерін және заңды уәкілетті мемлекеттік органдарды қоспағанда) беретін Тарап үшінші тұлғалардың алынған ақпараттың құпиялылығының сақталуын Шарттың талаптарына ұқсас шарттарда олармен жазбаша міндеттемеге қол қою жолымен қ а м т а м а с ы з е т у і т и і с .

Құпия ақпаратты ашқан Тарап бұл міндеттемені бұзған жағдайда екінші Тарапқа құпиялылықты сақтамау нәтижесінде келтірілген зиянның орнын т о л т ы р а д ы .

54. Шарттың талаптарын орындау процесінде туындаған Тараптар арасындағы барлық даулар мен келіспеушіліктерді Тараптар келіссөздер ж о л ы м е н ш е ш е д і .

Тараптар арасында келісімге қол жеткізілмеген жағдайда даулар мен келіспеушіліктер Қазақстан Республикасының заңнамасында белгіленген сот т ә р т і б і м е н ш е ш і л е д і .

55. Шарт 200\_ " \_\_\_ " \_\_\_\_\_ бастап күшіне енеді және 200\_ жылғы " \_\_\_ " \_\_\_\_\_ дейін, ал орындалмаған міндеттемелер бөлігінде олар толық орындалғанға дейін қолданылады. Бұл ретте, Тұтынушы және Қызмет беруші міндетті түрде жыл сайын Шарттың ажырамас бөлігі болып табылатын Техникалық келісім ж а с а с а д ы .

56. Екі Тараптың бірі қайта ұйымдастырылған жағдайда Шарт өзінің заңды күшін жоймайды және ол бойынша барлық құқықтар мен міндеттемелер олардың құқықтық мұрагерлеріне көшеді. Бұл ретте, Шарттың жаңа Тараптарының арасында тиісті келісімге қол қоюы міндетті болады.

57. Тараптар Шартқа Қазақстан Республикасының заңнамасына қайшы келмейтін өзгерістер мен толықтырулар енгізуге құқылы.

58. Шартқа барлық өзгерістер мен толықтырулар, егер олар жазбаша нысанда жасалған, екі Тараптың уәкілетті өкілдері қол қойған және Тараптардың мөрлерімен бекітілген жағдайда ғана заңды болып табылады. Бұл ретте, Тараптар механикалық көшіру құралының көмегімен уәкілетті тұлға қолының факсимильдік көшірмесін пайдалануға жол береді.

## **12. Қорытынды ережелер**

59. Шарт Тараптардың әрқайсысына бір данадан берілетін бірдей заң күші бар 2 түпнұсқалық данада ж а с а л д ы .

60. Тараптардың Шарттан туындайтын қатынастары және олар реттемеген қатынастар Қазақстан Республикасының қолданыстағы заңнамасымен реттеледі.

61. Шарт Тараптарда сақталатын және бірдей заң күші бар 2 данада жасалады

Мемлекеттік бюджеттен қаржыландырылатын мемлекеттік мекемелерге арналған Шарт Қазақстан Республикасының Қаржы министрлігінің аумақтық қазынашылық органдарында тіркеледі және ол тіркелген сәтінен бастап қолданысқа енеді.

### **13. Тараптардың деректемелері**

Қызмет беруші: \_\_\_\_\_ Тұтынушы: \_\_\_\_\_

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК